

四庫全書

史部

欽定四庫全書

欽定大清一統志卷三十二

趙州

在京師西南七百四十里東西距一百五里南北距一百二里東至冀州新河縣界八十里

西至正定府元氏縣界二十五里南至順德府唐山縣界八十二里北至正定府藥城縣界二十里東南至順德府鉅鹿縣治一百八十五里西南至順德府邢臺縣界二百一十五里東北至正定府藁城縣界三十五里西北至元氏縣界二十五里本州境東西距四十里南北距五十里東至寧晉縣界十五里西至正定府元氏縣界二十五里南至柏鄉縣界三十五里北至正定府藥城縣界二十里東南至寧晉縣界二十里西南至高邑縣界二十五里東北至正定府藁城縣界三十五里西

北至元氏縣  
界二十五里

分野天文昴畢分野大梁之次

建置沿革春秋時晉地戰國屬趙秦為鉅鹿郡地漢

為常山及鉅鹿郡地

平棘封斯二縣屬常山郡  
宋子敬武二縣屬鉅鹿郡

後

漢為常山國地

封斯宋子敬  
武三縣皆省

晉為趙國地後魏始

於平棘縣置趙郡屬殷州

時州治廣阿北齊  
改趙州在今隆平

隋開

皇初郡廢十六年改置藥州大業初復為趙郡唐

武德初改曰趙州

唐書地理志趙州武德初  
治柏鄉四年徙治平棘

五年

改曰藥州

時以大陸縣之藥州省入因改名焉

貞觀初復曰趙州天

寶初又曰趙郡乾元初復曰趙州屬北河道五代

因之宋崇寧四年號慶源軍節度宣和元年升慶源府屬河北西路金復曰趙州天德三年改曰沃州亦曰趙郡軍元復曰趙州屬正定路明洪武初以州治平棘縣省入屬正定府

本朝初因之雍正二年升為直隸州領縣五

柏鄉縣

在州南六十里東西距二十八里南北距五十二里東至隆平縣界十五里西至高

邑縣界十三里南至順德府唐山縣界二十二里  
北至本州界三十里東南至龍平縣治三十五里  
西南至臨城縣界十六里東北至寧晉縣治五十  
里西北至高邑縣治二十五里本春秋晉鄆邑地  
漢置鄆縣屬常山郡又分置柏鄉侯國屬鉅鹿郡  
後漢建武初改鄆曰高邑省柏鄉縣入之屬常山  
國為冀州刺史治晉初改屬趙國後魏屬趙郡北  
齊徙治房子縣界隋開皇十六年復於故高邑界  
置柏鄉縣屬樂州大業初屬趙州唐屬趙州宋熙  
寧五年省為鎮入高邑元祐初復置屬慶源府金  
屬沃州元明俱屬趙州本朝初隆平縣在州南  
屬正定府雍正二年還屬趙州九十里  
東西距五十里南北距五十五里東至順德府鉅  
鹿縣界三十里西至柏鄉縣界二十里南至順德  
府任縣治十五里北至寧晉縣界四十里東南至  
鉅鹿縣治六十里西南至順德府唐山縣治二十

里東北至冀州新河縣治九十里西北至柏鄉縣治三十五里春秋隸晉韓魏趙三分晉地入於趙秦列郡縣地隸鉅鹿郡漢置廣阿縣屬鉅鹿郡後漢省後魏太和中復置廣阿縣於縣置南鉅鹿縣後改爲南趙郡孝昌二年又置殷州齊天保二年避諱改曰趙州七年州廢隋初郡廢開皇十六年於縣置樂州仁壽元年改縣曰象城大業初州廢又改縣曰大陸屬趙郡唐武德四年復曰象城天寶元年又改曰隆平熙寧六年省爲鎮入臨城元祐元年復置屬慶源府金屬沃州元仍屬趙州明洪武初省入柏鄉十三年復置仍屬趙州本朝初屬正定府雍正二年還屬趙州

**高邑縣** 在州西南五十里東西距三十二里南北距三十里

東至柏鄉縣界十二里西至正定府贊皇縣界二十里南至臨城縣界十五里北至正定府元氏縣

界十五里東南至順德府唐山縣治六十里西南  
至臨城縣治五十里東北至本州治五十里西北  
至元氏縣治三十五里本戰國趙房子邑漢置房  
子縣屬常山郡後漢因之晉於縣置趙國兼為冀  
州刺史治後魏屬趙郡北齊天保七年廢房子改  
置高邑縣仍屬趙郡隋初屬樂州尋屬趙郡唐屬  
趙州宋屬慶源府金屬沃州元明俱屬趙臨城縣  
州本朝屬正定府雍正二年還屬趙州  
在州西南九十里東西距一百十里南北距四十  
五里東至隆平縣界二十里西至山西平定州樂  
平縣界九十里南至順德府內邱縣界十五里北  
至高邑縣界三十里東南至順德府唐山縣界十  
五里西南至順德府邢臺縣界六十里東北至柏  
鄉縣界二十五里西北至正定府贊皇縣治四十  
五里本春秋晉臨邑漢為房子縣地北齊省房子  
隋開皇六年復置房子縣於此屬趙州唐屬趙州

天寶九年改曰臨城天祐二年復曰房子五代後  
唐初復曰臨城宋屬慶源府金屬沃州元明俱屬  
趙州 本朝初屬正定 寧晉縣 在州東南四十里  
府雍正二年還屬趙州 東西距六十里南  
北距六十里東至冀州新河縣界四十里西至本  
州界二十里南至隆平縣界三十五里北至本  
界二十五里東南至新河隆平二縣界四十五里  
西南至柏鄉縣界三十里東北至保定府東鹿縣  
治七十里西北至本州界二十里春秋晉楊氏邑  
戰國趙地秦為邯鄲鉅鹿二郡地漢置楊氏瘞陶  
二縣屬鉅鹿郡後漢移郡治瘞陶以楊氏屬馬晉  
省楊氏入瘞陶仍為鉅鹿國治後魏永安二年分  
瘞陶置瘞遙縣為鉅鹿郡治北齊廢郡又省瘞陶  
入瘞遙縣隋初屬樂州開皇六年又改瘞遙曰瘞  
陶大業初屬趙郡唐仍屬趙州天寶元年改曰寧  
晉屬趙州五代因之宋屬慶源府金屬沃州元明



俱屬趙州 本朝初屬正  
定府雍正二年還屬趙州

形勢九省往來股肱上郡中原鎖鑰也

舊州志

大陸縈

迴於左鐵山聳峙於右平棘洩水列其前藥臺宋

城屏於後

州志

風俗好儒雅勤耕稼

州志

城池趙州城

周十三里門四濠廣十丈明宏治七年  
因舊修築本朝康熙七年乾隆十九

年先後重修

柏鄉縣城

周六里門四濠廣三丈隋時舊  
址明嘉靖隆慶間土築本朝

乾隆三十一年

隆平縣城

周六里有奇門四濠廣三丈  
有護城堤明洪武初築本

朝康熙七年乾隆二  
十四年先後重修  
高邑縣城  
周四里有奇門四濠廣三文明洪武

初因舊址修築  
臨城縣城  
周二里有奇門三  
明正統中寧土築  
本朝康熙七年修築

晉縣城  
周六里東南北三  
門濠廣二丈明成化  
九年築嘉靖三年增  
築三子城以衛三門  
二

十六年復於東門  
外增築月城

學校趙州學

在州治東南明洪武  
十三年因舊址重建  
本朝順治康熙間屢  
修入學額數

二十名  
柏鄉縣學  
在縣治東舊在縣  
治東南明洪武中遷  
建今所入學額數十二  
名

隆平縣學

在縣治東南舊在縣  
治東明洪武十四年  
遷建今所入學額數  
十八名高

邑縣學

在縣治南宋慶厯中  
建本朝康熙二十一年  
重修入學額數十五  
名臨城

縣學

在縣治南明正統九年因舊址重建  
本朝順治康熙中屢修入學額數八名 寧晉

縣學

在縣治南宋崇寧中建  
治五年重修入學額數十五名 本朝順慶陽書院

在州城內 本朝乾隆二十年州牧張登高建又  
柏鄉縣有槐川書院臨城縣有樂天書院寧晉縣

有正學書院蒙泉書院  
濱書院各州縣並有義學

戶口

原額人丁一十五萬三千三百  
九又滋生丁五千三百八十三

田賦

田地二萬七千八百三十九頃七十八畝零額  
徵地丁銀一十一萬五千四百一兩二錢三分

零

山川平棘山

有二在州北者曰大平棘在州南者曰  
小平棘皆去城百步許山頂平而多棘

故名漢又龍平山在州北三十里故宋子城之西

風雨驟至龍過而平其半故名又名彭山在臨城

龍光山又鞍子山在州北十五里

里金史地理志鐵山在臨城縣西九彭山在臨城

臨城有彭山在臨城縣西九里石色如鐵釣盤山在臨城

南五敦輿山在臨城縣西南李吉甫元和郡縣志

志一名幽淮山南接太行天臺山在臨城縣西北

北連常山州境之大山

名勝志以其高聳而上平也又西四十里堯峯在臨城

曰杏山山多杏又西二十里即太行矣

城縣東二里近三臺岡在州南二十里鳳皇岡在

唐山堯都故名

鄉縣東名勝志相傳有長岡在高邑縣西二十五

鳳皇樓集其上故名

里岡巒聳秀環抱村

次定四庫全書

欽定大清一統志

六

曠間周十餘里中有兔兒坡甚寬廣按樂史太平寰宇記高邑縣房子城出白土細滑膏潤可以塗

飾用之濯錦可致鮮潔董岡在臨城縣北四里東一名赤石岡疑即此按克峯西臨泚水

聖井岡在臨城縣東北三十里岡龍尾岡在臨城縣西北

唐大順二年李克用攻鎮州牛口峪在臨城縣大破玉鏐於龍尾岡即此西二十里聖

母洞在臨城縣西北三十里洞清河水在州西一

元氏縣北沙河自元氏經樂城流洩河在州南自入州境至州東南五里與洩河合正定府樂

城縣流入又東經寧晉縣南合胡盧河漢書地理志石邑縣洩水東南至廩陶入泚唐書地理志寧

晉地旱鹵西南有新渠上元中令程處默引洩水入城以溉田經十餘里地用豐潤民食乃甘宋史

河渠志咸平五年河北轉運使耿望開鎮州常山鎮南河水入汶河至趙州有詔褒之舊志州南五里有安濟橋跨汶河上自州以西水皆平漫經橋下東流始成渠東流經寧晉縣城南入滏河近河田畝咸槐自元氏縣東流經高邑縣北又東經資灌漑槐河州西南柏鄉縣北又東經隆平縣北寧晉縣南合胡盧河元和郡縣志槐水一名白溝河南去平棘縣二十五里舊志槐河俗訛為淮河亦名黑水自元氏縣流經高邑縣北十里又東入柏鄉縣界亦曰野河又東合沙河經隆平北界亦曰槐午河又東入寧晉縣界舊在縣南二十五里南入七里河以歸滏陽後七里河口淤塞改經縣南十  
南十  
涕河一名沙河自贊皇縣流經高邑縣南二里又東經柏鄉縣北合槐河漢志房子  
縣有石濟水東至  
新溝河在柏鄉縣北二十五里故城鎮南昔時槐河諸  
廢陶入泚即此

水每逢霖潦往往泛溢元貞間柏鄉尹曹貞新  
自高邑縣北榆柳村開此溝經柏鄉以洩水

澧河

在隆平縣東自順德府任縣之大陸澤流入  
縣境北流至張家口入寧晉泊至東汪村為

新挑河又東流至侯舉村合於澧陽河唐書地理  
志昭慶縣城下有澧水渠儀鳳三年縣令李元開

以溉田通漕按澧河自任縣以上其與百泉河沙  
河彼此互名之故已詳見順德府志至大陸澤以

下至寧晉泊四十里許俗謂之北澧河本在隆平  
縣東十里唐儀鳳所開明嘉靖間以故流壅塞別

疏一道在縣東二十里謂之新豐河本朝雍正  
四年重加濬治至今猶仍其名舊志於隆平縣不

載澧河而於澧陽河下引唐書之澧河以實澧陽  
並謂在隆平東者皆澧陽之流不得以澧水名之

於今昔形勢  
皆未合也

澧陽河

在隆平縣東自順德府鉅鹿  
縣之張家莊流入縣境北流

至棗陀村入寧晉縣境又北至侯臯村與北泊下流之新挑河會又東北流至營上村與新徒之濬

沱河會又東入冀州境按磁州志謂滏陽入鹵寧晉與漳水合今漳不入滏詳見順德府志

河在寧晉縣東十里即寢水也金史地理志寧晉有寢水舊志寢水自藁城迤南樂城趙州迤東

由寧晉入滏陽河是河恒被濬沱水七里河在寧晉縣下流壅塞上流亦涸僅有渠形

南二十五里槐午諸水自柏鄉縣東流注此東入滏陽河胡盧河在寧晉縣東

泊亦曰北泊周百餘里漳滏諸流皆會於此又東北入冀州界宋史河渠志熙寧八年發夫增治胡

盧河舊志在縣東南二十里東西徑三十里其上流即漳水與滏水合流會大小羣川注此而趙州

西境及濬沱河以南諸水亦悉東南流至縣境而滏為大澤土人稱為寧晉泊通志寧晉泊即北泊



也洩沙槐涕七里澄陽諸水咸入焉自潯沱河南徙由賈口而入淤塞澄河故道三十餘里水無所洩遂衝決洩口營上等村而東注水口亦多淺隘本朝雍正三年潯沱東徙不復入泊四年

命怡賢

親王興修水利於洩口營上等村疏濬水口盡成寬深復築隄以障水之外入設斗門以節水之內

出積潦始消汙萊皆為沃壤按漢志洩水石涕水俱至慶陶入泚鄴道元水經注泚洩涕三水俱

缺惟有百尺溝南入泚湖注衡水潯沱河在寧晉參考道里蓋寧晉泊即古泚湖也潯沱河縣東北

明成化八年由晉州紫城口南入寧晉泊正德中改由東鹿遂不入縣境本朝乾隆二十四年河

復南徙自寧晉魯家莊流入縣屬之浩固村折入東鹿之趙馬邨復入縣境東南流至朱家村分而

為二正流由營上村東入澄陽河支流合鰓河南入澄陽河按舊志載潯沱河故道今河徙入縣

界復為經流  
因加增改  
沱河  
自臨城縣西南發源東南經順

經隆平縣南至任縣入滏陽河元和郡縣志沱水  
在臨城縣南二里出白土細滑如膏以之濯錦色

若霜雪舊志沱源有二此為南沱在臨城縣西南  
二十五里流徑柏暢亭至縣西五里許斷伏不流

下二百餘步復出東徑釣盤山下合沙河又東南  
徑內邱唐山隆平抵任縣入大陸澤浴名三斷祿

楊沙河  
在臨城縣西南十五里源出縣西崇禮泥  
村流徑城南合沱水非贊皇之沙河也

河  
源出臨城縣泥河村北岡東流經縣北五里入  
柏鄉縣界為午河又東經縣南至縣東關入沛

河  
古斯洙水  
在州北自正定府樂城縣流入又東  
入晉州界即白渠水也水經注白渠

水逕耿鄉南又東逕宋子縣故城北謂之宋子河  
又東逕敬武縣故城北又東謂之斯洙水元和郡

縣志斯汶水在平棘縣北三十五里唐書地理志平棘東二里有廣潤陂引太白渠水注之東南二

十里有畢泓皆永徽五年令百尺溝在寧晉縣東引志元所開以蓄洩水利

汶水枝津右出東南流謂之百尺溝又東南逕和城北又東南逕貫城西又東南散流逕歷鄉東而

南入泚湖東注衡水舊志縣東北廣阿澤在隆平六十里有百尺口村蓋其故瀆也

魏書韓均傳廣阿澤在定冀相三州界土廣民稀乃置鎮以靜之除均為廣阿鎮大將元和郡縣志

廣阿澤在昭慶縣東二十五里爾雅曰晉有大陸廣阿即大陸別名淮南子曰鉅鹿大陸廣阿咸一

澤也舊志廣阿澤即大陸澤在隆平縣東北三十里上承漳滏泚澧諸水與鉅鹿任兩縣接界又北

入寧晉縣界水閘渠在州西南二里舊引清水河為胡盧河入城壕壅而無洩為東南田

寧惠明天順間鑿此千金渠在柏鄉縣西唐開元渠西南出會於汶河千金渠中縣今王佐所浚旁有萬金堰亦佐築野姑泉在臨城縣南蓋山下一今廢俗呼李家溝

北縣

### 古蹟棘蒲故城

今州治春秋時晉地左傳哀公元年師及齊師衛孔圉鮮虞人伐晉取棘

蒲史記趙敬侯六年伐魏取棘蒲漢書功臣表棘蒲侯陳武高帝六年封又文帝紀三年濟北王興居反以棘蒲侯柴武為大將軍擊之又地理志平棘縣註應劭曰伐晉取棘蒲也顏師古曰功臣表棘蒲侯陳武平棘侯林摯是則平棘棘蒲非一地也闕駟十三州志平棘本晉之棘蒲戰國時改為平棘舊志或謂平棘在棘蒲之南後移平棘故城治於棘蒲故以故平棘為南平棘也

在州南漢高帝七年封功臣林摯為侯邑後為縣屬常山郡後漢時亦謂之南平棘後漢書建武元年光武從薊至中山行到南平棘諸將固請正號位即此晉亦曰平棘屬趙國後移今治魏書地形志平棘縣有平棘城章懷太子曰平棘故城在今平棘縣南舊志在州南三里宋子故城在州北本戰國趙時邑史記燕王喜四年栗腹伐趙王自將偏軍隨軍至宋子又秦滅燕高漸離匿作於宋子皆即此漢高祖八年封功臣許應為侯邑後為縣屬鉅鹿郡後漢省後魏永安二年復置仍屬鉅鹿郡高齊廢隋初復置屬藥州大業初省入平棘史記正義宋子故城在州北三十里舊志在州東北二十敬武故城在州東北水經注鉅鹿五里城址尚存敬武故城之屬縣也漢元帝封敬武公主為湯沐邑十三州志曰楊氏縣北四十里有武亭故縣也今其城實中小邑耳故俗名曰敬

武柏鄉故城

在今柏鄉縣西南漢置元帝竟寧元年封趙哀王子買為侯邑後漢縣廢

而城存晉太元九年趙郡人趙栗起兵柏鄉以應苻丕將郃興即故縣也隋復置元和郡縣志縣北至趙州六十一里隋於漢鄆城南十八里改置遙取古柏鄉為名舊唐書地理志漢柏鄉城在今縣西南十七里後廢隋於鄆縣故城在柏鄉縣北春今治彭水之陽復置

鄆縣故城

在柏鄉縣北春秋時晉邑左傳

哀公四年齊國夏伐晉取鄆史記趙武靈王三年城鄆漢書王子侯表鄆侯丹武帝時封後漢書建武元年光武從薊還至鄆設壇場於鄆南千秋亭五成陌即帝位改鄆為高邑元和郡縣志北齊天保七年移高邑縣於漢房子縣東北界今高邑縣是也高邑故城在柏鄉縣北二十一里新志俗名王莽城今廣阿故城在隆平縣東漢高祖嘗封功有故城市臣任敖為侯邑後漢更始二

年光武拔廣阿舍城樓與鄧禹披閱天下輿圖即  
此縣尋廢晉太元九年慕容垂以陳留王紹行冀  
州刺史屯廣阿後魏太常三年詔叔孫建鎮廣阿  
尋復置縣隋改象城又改大陸唐改昭慶宋又改  
隆平元和郡縣志昭慶縣東北至趙州九十里本  
漢廣阿縣也宋史河渠志大觀二年以隆平下濕  
遷於高地縣志故城在今房子故城在高邑縣西  
縣東十二里俗呼舊城村房子故城南戰國時趙  
邑史記趙世家敬侯十年與中山戰於房子又武  
靈王十九年北畧中山之地至於房子惠文王二  
十四年庶頗將攻魏房子拔之因城而還後漢書  
光武紀更始二年光武擊正定元氏防子皆下之  
注防與房同古字通用元和郡縣志高邑縣東北  
至州五十里北齊天保七年移高邑縣於房子縣  
城東北十五里即今縣也臨城故城在今臨城縣  
縣志俗呼其地曰倉房村

臨邑左傳哀公四年趙魏奔臨即此漢為房子縣地隋開皇六年移置房子縣於此唐改名臨城元和郡縣志縣東北至州一百里楊氏故城今寧晉以縣西南十里有故臨城因名

置晉省後燕錄慕容寶永康元年趙王麟攻楊城後魏紀皇始二年詔元儀徙屯鉅鹿積租楊城永安二年改置慶陶縣及鉅鹿郡於此地形志鉅鹿郡及慶遙縣俱治舊楊城是也隋改慶陶唐又改寧晉元和郡縣志縣西北至趙

慶陶故城

在寧晉縣西南

州四十三里本漢楊氏邑也

漢置屬鉅鹿郡後漢為郡治延熹八年降渤海王惺為慶陶王晉鉅鹿國亦治此後魏屬鉅鹿郡高齊省樂史太平寰宇記故

歷鄉故城

在寧晉縣東二十五里漢

置縣屬鉅鹿郡後漢省魏書地形志慶遙縣有歷城明統志歷城乃小堡城下藪澤周迴百餘里中



有魚藕菱芡之利每歲饑土人賴以封斯廢縣在  
全活者甚衆金末王義率衆保此

界漢元朔二年封趙敬肅王子胡傷為侯國屬常  
山郡後漢省元和郡縣志平棘縣有封斯村舊志

有河屯營城在州象氏廢縣在隆平縣東北二十  
西北二十里疑是

趙敬肅王子賀為侯國屬鉅鹿郡後漢廢太平襄  
宇記古象城在昭慶縣西北三十里隋因以名縣

明統志在縣東北三十五大陸廢縣在寧晉縣東  
里趙記舜弟象嘗居此

六年析廣阿置大陸縣屬趙州大業初改象城縣  
為大陸而以故大陸廢入焉舊志在今縣東南十

里今名故藥城在州西北左傳哀公四年齊國夏  
魚臺村故藥城伐晉取藥元和郡縣志故藥城在

平棘縣西北十六里春秋時晉邑按元和城在  
和郡縣志與後漢書不同別見藥城縣

晉縣東北水經注百尺溝東南逕和城北世謂之初邱城非也漢高帝十一年封公孫耳為侯國

按漢書表千秋亭在柏鄉縣北後漢書郡國志高邑縣有千秋亭五城陌先武即

位於此舊志在今縣北柏暢亭在臨城縣西漢元十四里去舊鄆縣七里

王子終古為柏暢侯太平寰宇記注水經云泝水東逕柏暢亭在臨城縣西舊志在縣西十五里俗

訛為柏薄洛亭在寧晉縣東南後漢書郡國志慶楊亭陶縣有薄洛亭蓋以漳水一名薄

洛河十里壘在州南元和郡縣志在平棘縣南一而名

百姓相驚詔魏郡趙國常山等繕望臺在州治東作塢壘六百一十處此即其一也

漢臺高七尋延袤二百八十尺相傳後漢初耿純所築以望光武臺西有古井即築臺時所鑿其東

聖駕巡幸河南經臨駐蹕  
南一里建造行宮乾隆十五年  
千秋臺在高邑縣南二

里稍西北有觀星臺東南  
有將臺三臺岡阜相連  
李氏舊宅元和郡縣志在州西南二

十里亦謂之三巷李  
家亦曰三祖宅巷  
思賢堂在隆平縣治西唐昭慶令王瑞墓宓子賤

魯恭卓茂等治績建祠祀之名三賢祠  
嘉禾亭在臨城縣東北名勝志在縣東北普利寺

城縣治後名勝志元時  
嘉禾出連穎因建此亭  
奕亭在臨城縣東北名勝志在縣東北普利寺

宋徽宗下晉陽時駐蹕於此命  
蔡京書奕亭二字立有石碣

關隘百尺口  
在寧晉縣東北六十里  
奉城鎮金史地理志寧

晉縣有  
奉城鎮  
天臺寨在臨城縣西北天臺山北接正定府贊皇縣界其西又有青龍寨又

乞了寨在縣西南乞了東驛頭堡在高邑縣東南  
山鐵山寨在縣西鐵山

在縣西十里韓家莊堡驪駒嶺口在臨城縣  
在縣北十里今皆廢賈家

口在寧晉縣東鄆城驛在州治  
二十五里西明置槐水驛在柏鄉縣  
西北明置

大陸村在寧晉縣東北又東陳村  
在縣南三十五里皆有集

津梁安濟橋在州南五里汶河上俗名大石橋隋建  
廣四十步長五十餘步唐張嘉貞李翱

皆有永通橋在州西門外清水  
銘河上俗名小石橋槐水橋在柏鄉縣  
北二里

濟涉橋在柏鄉縣南閭外通濟橋在隆平縣  
今名恒南第一橋北五里安定

橋在高邑縣邱村西南丁石橋在寧晉縣南里許  
汶河上舊名丁橋舖頭村橋

在寧晉縣東三十里滏陽河上又東五里為白木村橋亦跨滏陽河正定府諸縣之鹽俱於此起載

堤堰洩河堤

在趙州南洩河四源濟發合流至城南渠流始壯乾隆二十七年建長堤五十

餘里以防泛溢  
澧河堤 在隆平縣東長六里  
新挑河堤 在

晉縣東北河為胡盧河通滏陽河之引河乾隆二十五年二十七年先後築堤以防泛溢

陵墓唐祖陵

在隆平縣南元和郡縣志宣皇帝建初陵光皇帝建運陵二陵共塋在昭慶縣

西南二十里舊志  
戰國廉頗墓 在州東  
漢李左車

墓

元和郡縣志在平棘縣西南七里又曰李氏舊塋多在封斯村州志今墓在州西八里任

教墓

元和郡縣志一名七里邱在昭慶縣西馮唐四里舊志在隆平縣東邱底村西南

墓

元和郡縣志在高邑縣東北二十里耿純墓在州東

里前有祠

晉楊駿墓

太平寰宇記在寧晉縣北十里高一丈

金焦旭墓

在柏

鄉縣南二十里南魯村

元陳祐墓

在寧晉縣西南二十里弟天祥同葬此

明曹

鵬墓

在寧晉縣東四里前有祠

祠廟漢高祖廟

在臨城縣西北二十里

光武廟

有二一在州境周輝北隸錄趙

州南光武廟二石人尚橫於路一在柏鄉縣元和

郡縣志漢世祖廟一名壇亭在柏鄉縣北十四里

即世祖即位處之千秋亭章帝元和三年詔高邑

令祠光武於即位壇是也本朝乾隆十五年

皇上清蹕所經御製有詩

龍井廟

在州北門外里許金大定間建禱雨輒應

# 寺觀柏林寺

在州治東南唐時名觀音寺為從諗禪師道場金大定中改名柏林寺本朝

雍正十一年奉

勅重修

賜額寺有石甚古刻虞世南攀龍麟附鳳翼六字殿壁有

吳道子畫文武水各一乾隆十五年

皇上車駕經臨

御製有趙州柏林寺小憩詩及再題吳道子文武水詩

並與扈從開元寺

在州治西南宋景祐間於寺中建石塔玉臺寺在

諸臣聯句開元寺

在隆平縣舍落口明院

鄉縣東相傳隋時

萬善寺在隆平縣南趙孟村

建所存石障甚古

光紫寺在隆平縣南趙孟村

寺在隆平縣東任村

唐開元中建有象城

尉楊晉乾明寺

在高邑縣治西南唐草堂寺在臨

碑記

時建寺右有乾明塔草堂寺在臨

西五十里石壁有  
字永平二年重修

# 名宦漢謝夷吾

山陰人章帝時遷鉅鹿太守愛育人  
物有善績第五倫作司徒令班固為

文薦夷吾有政魏霸濟陰句陽人和帝時為鉅鹿  
合時雍之譽太守以簡朴寬恕為政掾吏

有過先誨其失不改者乃罷之吏或相毀訴霸輒  
稱他吏之長終不及人短言者懷漸譖訟遂息

# 樊準

湖陽人永初中拜鉅鹿太守時饑荒之餘人  
庶流逆準課督農桑廣施方略期年間穀粟

豐賤數十倍趙魏之郊數為羌所抄  
鼎準外禦羌寇內撫百姓郡境以安南北朝魏呂

顯壽張人皇始初拜鉅鹿太守清身奉公務存瞻  
恤妻子不免饑寒民頌之曰時維呂君克已清

明緝我荒土民胥樂生  
顧壽無疆以享長齡李曾趙郡平棘人道武時  
為本郡太守令行禁



止并州丁零數為山東害知曾能得百姓死力憚  
不入境賊於常山界得一死庶賊長謂趙郡地也  
責之還令送庶故處郡謠曰詐作裴佗聞喜人世  
趙郡庶猶勝常山栗其見憚如此裴佗宗時為趙  
郡太守為政有方威惠甚著校吏姦安平人  
民莫不改肅所得俸祿分恤貧窮崔楷孝昌初  
置殷州以楷為刺史葛榮來攻楷率力拒抗初遣  
幼子弱女夜出既而追還衆皆曰崔公尚不惜百  
口吾等何愛一身力竭城陷執節不屈賊崔孝偉  
遂害之兄弟父子並死王事朝野傷嘆焉崔孝偉  
安平人趙郡太守郡經葛榮離亂後人皆賣鬻兒  
女夏棧大熟孝偉勸戶人多收之郡內乃安教其  
人種殖招撫遺散先恩後威一周之後流齊崔伯  
戶大至興立學校親加勸勵百姓賴之  
謙安平人除南鉅鹿太守下車導以禮讓豪族皆  
改心整肅事無鉅細必自親覽民有貧弱未理

者皆曰我自告白鬚公不慮不決在郡隋楊達高  
七年獄無停囚每大使巡察恒處上第

族子為趙州刺史有能名平陳唐弓志元永徽中  
之後差品天下牧宰達為第一

令開廣潤陂楊元琰閭鄉人高宗時為平棘令課  
以蓄洩水利

屬程處默上元中為寧晉令時地旱鹵西南有新  
渠處默引汶水入城以溉田經十餘里

地周豐潤李元儀鳳三年為昭慶令開高敞萬年  
民食乃甘

趙州刺史聖歷初突厥默啜入寇敞嬰城拒虜攻  
益急或勸且下之敞曰吾為刺史不戰而降罪莫

大焉及州陷敞自經不得死為王佐開元中為柏  
所執使諭降諸縣不肯應見殺

積潦佐浚千金渠康日知靈州人為趙州刺史日  
築萬金堰以疏之知少事李惟岳惟岳叛

日知以州自守惟岳遣王武俊攻之日知使客說武俊中丞秦何從小兒跳梁武俊還斬惟岳德宗

擢日知為深趙觀察使後武俊復遣將攻趙州日知破之獻俘京師五代唐符令謙

昭慶人為趙州刺史有善政卒周楊澈北海人世於州州人號泣送葬者數千人宗時年十

六昭慶令缺使府命澈假其任時河決鄰郡府督後甚急澈部徒數千經大澤中多蘆葦令采刈為

筏順流而下既至執事者訝其後期俄葦筏繼至駭而問之澈以狀對乃更嗟賞宋康德

輿洛陽人仁宗時知趙州有告雲冀卒謀以上元夜劫庫兵為亂德與會賓屬燕飲自若陰遣人

捕其首侯蒙高密人徽宗時知柏鄉縣民訟皆決謀誅之侯蒙於庭受罰者不怨轉運使黃湜聞其

名將推轂之名詣行臺白事蒙以越境不肯往湜怒他日行縣閱理文書欲致其罪無一疵可指始

以賓禮見曰君真能吏  
也率諸使者合薦之  
金吳微  
平郭人永安二年

果有以牛訟者訊得其情牛  
亦伏膝由是百姓敬若神明  
元圖郎哈雅  
威烏氏世祖時

為隆平縣達魯噶齊均賦興學  
勸農平訟橋梁水  
防備荒之政無一不舉及滿去民勒石紀其政

圖郎哈雅舊作脫烈海牙威烏舊作畏  
吾達魯噶齊舊作達魯花赤今並譯改  
布爾罕瑚

喇威烏氏至元末任寧晉縣達魯噶齊  
早蝗躬親  
祈捕歲不為災經過軍旅恣為不道執之繩以

國法士民感戴  
布爾罕瑚  
宋明善  
初由國史從

喇舊作字而罕忽里今譯改  
事知高邑遠則乘馬近則策杖徧歷耕桑之地勸  
課不懈聽訟公慎嘗曰吾既不能使民無訟忍枉

其是非邪囹圄屢空門  
明何濬  
靈寶人天順間知  
無干謁尤為邑人所稱  
趙州值歲饑賑濟

有法民無流移多鑿井泉以資灌溉後陞南康知府歸老於家州人歲遣子弟問慰不絕及卒聞之

皆巷哭家立章忱會稽人成化中為臨城知縣城木主祀之北有泥河忱築堤引水灌田又

教民為桔槔以溉高阜鄉鄙舊無醫藥忱檢方書使習其業歲暮令民及時婚娶而節其費陸

愉嘉定人成化中為寧晉知縣巡行田野課農桑招流移疏濬河流以資灌溉民甚德之鄒

珩餘姚人嘉靖中以舉人知高邑縣王端冕江陵人崇重濬新溝以除水患民得耕種

禎中知趙州以廉惠得民陳廣心元城人崇禎時大兵至被執不屈死以舉人為趙州

教諭大兵攻城諸生請避去廣心厲聲曰張純吾生平所學何事豈為兒女戀戀耶遂死之

儒新安人為臨城訓導崇禎十一年大兵至率諸生共守城破與二子端生明倫堂曰此我盡

節處也  
遂死之

本朝陶鼎鉉

奉天人順治九年知趙州廉牟廷選錦  
潔自持明於聽斷治聲甚著

人知柏鄉縣地當驛道為志清其弊簿書錢穀皆  
不假手幕胥而才猷自裕邑之南關有祠碑具載

其宋廣業

長洲人知臨城縣俗健訟有大猾置之  
法民得以安值荒旱捐貲設粥以活饑

民又設義學育  
生儒民風大變薛所本孟縣人康熙十三年知高  
邑縣清丈地畝振興文教

士民  
樂業

人物漢耿純

字伯山鉅鹿宋子人更始時為騎都尉  
王郎反純率宗族賓客迎世祖於育拜

前將軍從平邯鄲又破銅馬時赤眉十餘萬衆在  
射犬世祖引兵將擊之純軍在前賊忽夜攻兩射

營中純堅守不動選敢死士繞出賊後強弩並發賊衆驚潰追擊破之世祖即位封高陽侯純以天下畧定願試治一郡盡力自効帝笑曰卿既治武復欲修文耶乃拜東郡太守視事數月盜賊清寧居四歲坐事免定封東光侯後復為東郡太守吏民悅服卒謚曰成敏字叔達鉅客居太原荷甌墮地不顧而去郭林宗見而問其意對曰甌已破矣視之何益林宗因勸令遊學十年知名三公南朝魏睦夸一名旭高邑人少耽微辟並不屈南朝魏睦夸一名旭高邑人少耽十遭父喪鬚髮致白高尚不仕少與崔浩為莫逆交浩為司徒奏徵為中郎辭疾不赴州郡逼遣不得已入京師與浩相見延留數月惟談叙平生不及世利浩每欲論屈之竟不能發言其見敬憚如此

李靈

字武符趙郡平棘人神麋中太武徵天下才雋靈至拜中書博士再遷淮陽太守以

學優選授文成皇帝經加中散內博士賜爵高邑  
子文成踐阼卒於洛州刺史諡曰簡子恢進爵為  
侯東平王道符反遇害恢子悅祖悅祖李順字德  
子瑾淳謹好學老而不倦終大司農卿李順正靈  
從父弟博涉經史有謀策神瑞中拜中書侍郎從  
征蠕蠕以籌畧賜爵平棘子太武討赫連昌至統  
萬大破昌軍順謀居多及尅統萬帝賜諸將珍寶  
雜物順惟取書數千卷又從擊赫連定於平涼三  
秦平進爵為侯遷四部尚書沮渠蒙遜  
內附順使涼州凡十二回太武稱其能李孝伯順  
父弟父曾少以鄭氏禮左氏春秋教授為業郡三  
辟功曹並不就州辟主簿到官月餘遂還家道武  
時為趙郡太守孝伯少傳父業博綜羣言動有法  
度從兄順言之太武徵為中散累遷光祿大夫賜  
爵魏昌子太平真君末車駕南伐至彭城遣孝伯  
宣詔勞問與宋張暢往復辨論應答如流進爵宣



城公為秦州刺史卒謚文昭孝伯性方慎忠厚每朝廷事有所不足必手自書表切言陳諫或不從者至於再三削滅藁草家人不見公度議論常引網紀或有言事者恣其所陳假有是非終不抑折及見帝言其所長初不隱人姓名以為已善故衣冠之士服其雅正自崔浩誅後軍國謀謨咸出孝伯美名聞於遐邇兄祥字元善學傳家業鄉黨宗之歷淮陽河間二郡太守有治聲終中書侍郎

**李安世**

祥子幼聰悟天安初拜中散累遷主客給事中時人饑流散豪右多有占奪安世乃

上疏陳均量之制孝文深納之後均田之制起於此出為柏州刺史假趙郡公敦農桑斷滛祀表薦善士討斬李波州李瑒字琚羅安世子涉獵史傳內肅然卒於家李瑒有文才氣尚豪爽高陽王雍表薦瑒為友轉尚書郎隨蕭寶夤西征以瑒為統軍瑒德洽鄉閭招募雄勇其樂從者數百騎傾

家賑恤率之西討故其下每有戰功軍中號曰李公騎還朝除岐州刺史生辭不赴任免官瑒與弟謚特相友愛謚在鄉物故瑒不食李謚字永和瑒數日期年形骸毀瘁人俱哀歎之弟少好學周覽百氏初師事博士孔璠數年後璠還就謚請業同門生為之語曰青成藍藍謝青師何常在明經徵拜著作佐郎以授弟郁州再舉秀才公府二辟並不就惟以琴書為業卒年三十二遐邇悼惜之博士孔璠等上書言謚學行詔謚貞靜處士并表其門曰文德里曰孝義弟郁字永穆好學沉靜通經史官至散騎常侍嘗於顯陽殿講禮記解說不窮孝武及預聽者莫不嗟善李公緒

字穆叔平棘人性聰敏博通經傳魏末為冀州司馬屬疾去官齊天保初以侍御史徵不就沉冥樂道誓心不仕尤明天文善圖緯之學雅好著書所撰有典言禮質儀喪服章句古今畧記元子趙記

趙語北齊李密

李希邕平棘人少有節操母患積年明醫療之不愈乃精習經方洞

嫻針藥母病得除由是以醫知名屬公朱兆弒逆

與渤海高昂為報復計後從神武封容城縣侯位

襄州李幼廉高邑人少寡欲為兒童時人故以金

刺史李幼廉寶授之終不取以其蒙幼而廉故以

名焉仕齊歷瀛州并州刺史累遷太僕大司農二

卿趙州大中正大理卿所在稱職後主時和士開

權重百僚盡傾幼廉高揖而已出隋李士謙字子

為南青州刺史卒贈吏部尚書隋李士謙字子

子少孤事母以孝聞年十二魏廣平王贊辟開府

參軍事後脫身詣學研精不倦遂博覽羣籍兼善

天文術數齊世辟召皆不就及隋有天下畢志不

仕家富於財躬處節儉每以賑施為務有兄弟分

財不均至相鬪訟士謙出財補其少者令與多者

埒兄弟更相推讓卒為善士嘗出粟數千石以貸

鄉人值年穀不登悲名債家對之燭契歲大饑罄  
家貲為之糜粥全活萬計收埋骸骨所見無遺趙  
郡民德之撫其子孫曰此李參軍遺惠李諤字士  
也及卒會葬者萬餘人相與樹碑於墓李諤字士  
郡人性公方明達世務高祖受禪歷遷治書侍御  
史見禮教凋敝文體輕薄當官者好自矜伐俱上  
書論之上以前後所奏頒示天下四海靡然向風  
諤在職數年務存大體不尚嚴猛以年老出拜通  
州刺史李雄字毗盧高邑人少慷慨有大志家世  
卒官並以學業自通雄獨習騎射周太祖  
時從達奚武平漢中定興州又從韋孝寬畧定淮  
南說下十餘城高祖受禪拜鴻臚卿晉王廣出鎮  
并州以雄為河北行臺謂雄曰卿兼文武才今推  
誠相諉吾無北顧之憂矣雄當官正直侃然有不  
可犯之色王甚頌李德饒字世文平棘人少聰敏好  
敬憚吏民稱頌李德饒學弱冠仕隋為校書郎轉

監察御史糾正不避權貴遷司隸從事每巡四方  
理雪冤枉褒顯孝悌性至孝父母寢疾輒終日不  
食十旬不解衣丁憂哀慟嘔血及葬單縗徒跣行  
積雪中四十餘里後甘露降庭樹鳩巢其廬納言  
楊達巡省河北詣其廬弔慰之因改所居村為孝  
敬里為和順弟德侶性重然諾大業末為離石郡  
司法書佐太守楊子崇特禮之唐李素立高  
起子崇遇害德侶赴哭盡哀收瘞之唐李素立高  
入武德初擢監察御史民犯法不及死高祖欲殺  
之素立諫曰三尺法天下所共一動搖則人無所  
措手足帝嘉納以親喪解官起授七品清要有司  
擬雍州司戶參軍帝曰要而不清擬秘書郎帝曰  
清而不要乃授侍御史貞觀中轉揚州大都督府  
司馬初突厥鐵勒部內附即其地為瀚海都護府  
詔素立領之乃開屯田立署次邊民畏威李守素  
歷太僕鴻臚卿累封高邑縣侯卒諡曰平李守素

趙州人秦王署為天策府曹參軍通姓氏學世號  
肉譜虞世南與論人物始言江右山東尚相酬對  
至北地則笑而不李又字尚真趙州房子人工屬  
答曰肉譜定可畏李又文第進士茂才異等擢監  
察御史劾奏無避累遷吏部侍郎與宋璟等同典  
選事請謁不行時人語曰李下無蹊徑改黃門侍  
郎制敕不便輒駁正責幸有求官者睿宗曰朕非  
有靳顧李人不可過耳太平公主干政欲引又自  
附又深自拒絕除刑部尚書卒諡曰貞又沉正方  
雅識治體時稱有宰相器又事兄尚一尚正孝謹  
甚又俱以文章自名弟兄李至遠素立孫治尚書  
同為一集號李氏花萼集李至遠左氏春秋撰周  
書起后稷至報王為傳紀令狐德棻許其良史高  
宗時歷天官侍郎知選事疾吏受賄多所絀易吏  
肅然歛手弟從遠清密有學神龍初歷中書令太  
府卿兄弟德望相埒至遠子禽事母謹累世同居

長幼有禮官

啖助

字叔佐趙州人淹該經術天寶末調臨海尉丹陽主簿扶滿屏

居甘嗜蔬糗善為春秋考三家短

李承

高邑人擢

長縫綬補闕號集傳凡十年乃成李承明經為河南採訪使判官尹子奇陷汴州拘承送洛陽峴得賊謀皆密啟諸朝賊平累遷淮南西道黜陟使奏

置常豐堰於楚州以溉屯田李希烈請討梁從烈德宗數稱其忠承言希烈恐不可制帝初謂不然

及希烈猶據襄州承以單騎入希烈舍承外館迫脅希烈猶據襄州承以單騎入希烈舍承外館迫脅

萬端承晏然誓以死守希烈不能屈遂大掠去襄漢蕩然承緝綏撫安之居一年闔境完復尋檢校

工部尚書湖南觀察使卒贈吏部尚書

李芄

字茂初趙州人解褐上邽主簿補長安尉李勉

觀察江西表署判官永泰初宣饒賊為亂芄請以秋浦置州扼襟要使不得合從勉是其計奏置池

州即詔先行州事德宗立授河南三陽鎮遏使糧  
貲善者必先給士士悅之達練事宜嚴備常若有  
敵未幾拜節度使與馬燧等破田悅洹  
水上興元初以疾請老卒贈太子太保李藩字叔  
州人少沉静敏於學家本饒財居父喪姻屬來弔  
有持去者未嘗問益務施與杜亞居守東都表致  
府中徐州張建封辟節度府建封卒濠州刺史杜  
兼疾驅至陰有覬望藩謂宜速還否則以法刻君  
兼因誣奏藩有非望德宗怒密詔杜佑殺之佑以  
閩門保藩釋之拜秘書郎累遷給事中制有不便  
就敕尾批却之裴均白憲宗謂藩有宰相器因拜  
門下侍郎同中書門下平章事藩忠謹好醜必言  
帝問神仙事知帝有所惑極陳其妄誕不可信河  
東節度使王諤賂權近求兼宰相密詔中書門下  
曰諤可兼宰相藩遽取筆署其左  
李遜字友道趙  
曰不可既而事得寢卒謚貞簡郡人始署



山南東道掌書記歷衢州刺史以政最擢浙東觀察使入為給事中故事天子以時日聽政對羣臣聽奏陛下求治而下有所陳當不時上豈宜限以日憲宗悅從之歷山南東道及忠武軍節度使遷為政抑強植弱貧富均一所至有績可紀卒官刑部尚書諡曰貞

**李建**

字杓直邈弟與兄俱

客荊州鄉人爭鬪不詣府而詣建平決無頗母憐其孝每字之曰痿子勸吾食吾輒飽追藥吾意其瘳貞元中補校書郎德宗思得文學者或以建聞擢左拾遺翰林學士順宗立與王叔文不合左遷後召拜刑部侍郎初建為學時家苦貧後雖通顯未置垣屋以清儉稱

**李虞仲**

字建之趙

州人父端能詩為大厯十才子之一虞仲歷官吏部侍郎簡儉寡欲時望歸重

**李翱**

字習之趙

州人元和初為國子博士條上興復太平大畧累遷禮部郎中翔性峭直論議無所屈見宰相李逢

吉面斥其過失達吉詭不校更表為廬州刺史入  
為諫議大夫知制誥後歷山南東道節度使卒  
始從韓愈為文章辭致渾厚李珣字待價趙州人  
見推當時故有司亦謚曰文李珣事母以孝聞舉  
進士高第擢右拾遺穆宗即位期於九月九日大  
宴羣臣珣言陵土未乾不可為天下法不聽以數  
直諫出為下邳令累遷翰林學士文宗以鄭注問  
珣珣曰奸回人也注由是怨珣開成中同中書門  
下平章事武宗新聽政珣數稱道無逸篇以勸以  
嘗議立陳王貶外宣宗立歷檢校尚書右僕射淮  
南節度使卒謚貞穆五代唐符習昭慶人少事趙王鎰鎰遣  
禮所害文禮上書於莊宗求習歸莊宗遣之習號  
泣曰臣世受趙恩欲破賊報主莊宗壯之遣他將  
助習破大禮乃以相衛二州為義武軍以習為節  
度使習辭曰魏博六州霸王之府也不宜分割示

弱願授臣河南一鎮得自攻取之遂拜習天平節度使後為安重誨所搆致仕明宗以其子今謙為

趙州刺史宋曹遵

趙州人六世同居真宗時旌表

張旦

趙州人勇敢善射以經學中第

淳化中知陵州李順黨數萬攻州州兵不滿三百旦驅市人進戰大敗之由是知名後知德清軍景

德中遼兵入寇旦與其子利涉率眾奮擊並戰殁上聞之驚悼特贈左衛大將軍深州團練使利涉

崇議宋綬

字公垂平棘人幼聰警年十五召試中書真宗愛其文後復試學士院為集賢

副使理歷判三司憑由司建言蠲積負數百萬累遷工部侍郎時太后猶垂簾決事綬奏宜約先天制

度令羣臣對前殿忤太后意出外久之拜參知政事請仁宗飭厲羣司不以承平自怠卒贈司徒兼

侍中諡宣獻綬性孝謹清介言動有常家藏書萬餘卷親自校讐博通經史其筆札尤精妙朝廷大

議論多綬所裁定

孫冲

字升伯平棘人真宗時以侍御史為西京轉運塞滑州決河後知河

中府徙潞州所以強幹稱

王德用

字元輔趙州人父超累官崇信軍節度使為將善部

分御下有恩至道中擊李繼遷德用年十七為先鋒將萬人戰鐵門關俘掠以數萬計累遷福州觀

察使章獻太后臨朝有求內降補軍吏者德用曰補吏軍政也卒不奉詔乃止後仁宗閱太后閣中

得德用前奏奇之拜簽書樞密院事徙定州路都總管皇祐三年致仕德用善撫士屢臨邊境名聞

四夷狀貌雄毅面黑頸以下白皙閭閻婦女小兒皆呼曰黑王相公至和初復為樞密使時富弼為

相遠使至謂德用曰天子以公典樞密用富弼為相將相皆得其人矣卒贈太尉中書令謚武恭

曹利用

字用之寧晉人慷慨有志操真宗幸澶州遣使議和帝使利用詣遼軍和議遂定

累拜樞密使同平章事加左僕射兼侍中初章獻  
后臨朝中人與貴戚軒輊為禍福利用以勲舊自  
居凡內降恩力持不與左右多怨為內侍所構貶  
房州安置投繯死利用忠蓋有守死非其罪天下  
寃之明道二年王融字德之臨城人性至孝狀貌  
贈太傅謚襄悼 奇偉舉進士為侍御史知雜  
事上言方塞決河近郡災歟民力凋敝請罷土木  
之不急者累官三司鹽鐵副使馬季良方用事請  
置務收市茶鹽衆莫敢忤融獨不可曰與民競利  
豈國體耶出知益州為政有大體不尚苛察蜀人  
愛之景五年參知政事郭諮字仲謀平棘人聰  
後出知河南府卒謚忠穆 敏過人舉進士由  
通判軍司理參軍歷殿中丞知館陶縣康定西征  
諮上戰畧獻拒馬槍陳法擢通判鎮戎軍歷知路  
州三司議均租田召還諮陳均括之法四十條復  
上平燕議帝壯其言又請自輦西山七里孤柏嶺

下鑿七十里導洛入汴可以四時  
行運詔往計度未及諭功而卒

**李京**

字伯升趙州人以王

拱辰薦為監察御史時太史言日當食不食羣臣  
皆賀京獨疏宜飭邊臣慎出命割帷簿之愛重名

器之分仁宗嘉納授右正言數上書

**宋敏求**

字次道

論事宰相賈昌期不悅謫監鄂州稅  
子賜進士及第為館閣校勘王充臣修唐書以敏  
求習唐事奏為編修官治平中知制誥神宗時呂

公著為王安石所誣出知潁州敏求當草制安石  
諭旨使明著罪狀敏求但言數陳失實安石怒命

陳升之改其語敏求請解職未聽會李定除御史  
敏求封還詞頭遂以右諫議大夫奉朝請敏求家

藏書三萬卷皆畧誦習熟於朝廷典故士大夫疑  
議必就正焉所著書甚多族弟昌言字仲謨擢都

水監丞熙寧初河決棗強而北昌言建議議以除水  
患詔司馬光往視如昌言策不兩月決口塞官至

少府監

金賈益謙

字彥亨沃州人大定進士歷任州郡以能稱明昌五年為右諫議大

夫章宗將幸景明宮清暑益謙連上疏極諫錫王以疑忌下獄上怒甚無敢言者益謙論其不可累官尚書右丞致仕居鄭州纂集魏王事跡時多以衛王天命所絕史官就鄭訪之益謙曰衛王行事中材不及者多矣設欲飾吾言以焦旭字明銳柏實其罪吾亦何惜餘生朝議偉之旭鄉人世宗時官良鄉令平章石琚薦旭幹能可甄用召為右警巡使擢監察御史章宗初即位太傅克寧等請上出獵旭奏劾其非上慰諭之為罷獵明昌中遷都水監以治河防勞授西京路轉運使旭性警敏練達時政與王倫劉元王義字宜之寧晉人有膽仲洙輩世稱能吏云元王義智沈默寡言讀書知大義金主還汴河朔盜起縣人推義攝縣事穆瑚黎兵至義率眾歸馬入覲太祖授寧晉令兼趙州

以南招撫使時兵亂廢耕所在人相食寧晉東有  
藪澤周百餘里中有小堡曰漚城義曰漚城雖小  
而完且有魚藪菱芡之利不可失也留偏將守寧  
晉身率衆保漚城由是全活者衆累擢深冀趙三  
州招撫使擊敗金將武仙拔冀州平邢州盜趙大  
王乃布教令招集散亡勸率種藝深冀之間遂為  
樂土穆瑚黎舊王王寧晉人長身駢脅多力金  
作木華黎今譯改王季為萬戶鎮趙州穆瑚黎  
引兵南下玉率衆來附從攻拔邢洺磁澤潞諸州  
攻平陽下太原汾代師還署元帥府監軍後從史  
天澤攻敗武仙仙遣人齎誥命誘玉妻妻拒曰妾  
豈可使夫懷二心於家國仙殺其子玉聞領數騎  
突其圍斬數百人而還仙遣人追之不敢進皆曰  
王將軍驍勇我輩非敵也正定平加慶源軍節度  
副使子忱字允中幼讀書明敏有陳祐字慶甫寧  
才識歷官雲南行省參知政事



傳究經史鄉黨尊師之既歿門人謚曰茂行先生  
祐少好學家貧母張氏嘗剪髮易書使讀之世祖  
時歷河南衛輝總管累遷浙東道宣慰使所至有  
惠政遇盜死追封河南郡公謚忠定嘗上書世祖  
言太平之本有三一太子國本建立宜早二中書  
政本責成宜專三人材治本選舉宜審事雖未能  
盡行時

**陳天祥**

字吉甫祐弟少善騎射中統三年  
李壇叛河南宣慰司以天祥為千

戶防遏宋兵事平罷歸居偃師南山躬耕讀書從  
遊甚衆至元中從軍渡江連平興國壽昌之亂二  
十一年拜監察御史右丞盧世榮以招克聚飲驟  
升執政權傾一時無敢言者天祥上疏極言其奸  
惡世榮遂伏誅大德中為河南行臺御史中丞上  
章論征西南夷事累數千言不報遂謝病去後拜  
中書右丞議樞密院事辭不  
起卒追封趙國公謚文忠

**陳思謙**

字景蘊祐孫  
警敏好學至

順初拜西行臺監察御史建明八事曰正君道結人心崇禮讓正綱紀審銓衡勵孝行紓民力修軍政後拜監察御史首陳四事皆可其奏詔建報嚴寺思謙謂當罷土木以紓民力乃止出為淮西廉訪使累官御史劉安世柏鄉人父才有篤疾百藥中丞卒諡通敏

劉安世

不效安世中夜潛卧墅南

石橋永上冰融三寸許即以瓶取水飲才才曰此水與井水殊不同味頗與藥類數日病痊遠近嘆異以為誠

明曹鵬

字萬鍾寧晉人少伉爽有大志孝所感

明曹鵬

字萬鍾寧晉人少伉爽有大志孝所感

授代州訓導乞劇職自効改泰和典史七年督工匠至京師疏乞入試復中順天鄉試明年舉進士第一授翰林修撰正統五年以侍讀入直文淵閣參預機務鵬為人內剛外和通達政體大學士楊士奇常病不視閣務多決於鵬累進翰林學士吏部左侍郎額森入寇扈從至土木及於難景帝

立贈吏部尚書文淵閣大學士謚文襄英宗復位加贈太傅改謚文忠額森舊作也先今譯改

王詔

字文振趙州人天順末進士擢工科給事中成化中隆善寺成命授工匠三十人為文思

院副使詔切諫己與同官奏請起致仕尚書王竑李秉而斥都御史王越并及宮闈事帝大怒召至面詰杖之弘治初以右副都御史巡撫雲南諸夷歸命邊徵寧戰召拜南京兵部右侍郎未上卒

王誥

臨城人嘉靖進士歷官戶部郎中大同兵變擢誥為知府比至擒首惡數十人悉抵之法

餘無所問重鎮以安歷遷僉都御史巡撫甘肅防禦經畫悉中機宜進右都御史總督漕運時倭人猖獗直犯淮泗誥督率將士分兵夾擊大破之即休客兵寬租稅停買馬威惠並著趙南星字夢白高邑人萬歷二年進士由汝寧推官歷文選員外郎方嚴嫉惡上疏陳四大害觸時忌乞歸

再起考功郎中主京察要路私人貶斥殆盡被嚴  
旨落職名益高與鄒元標顧憲成海內擬之三君  
光宗立累拜左都御史慨然以整齊天下為任主  
大計一如考功時彈劾無所避人多震慄進吏部  
尚書銳意澄清起用廢錮君子滿朝中外方忻忻  
望治而小人側目魏忠賢矯旨削籍戍代州卒崇  
禎初贈太子李標高邑人萬厯進士歷官禮部右  
太保謚忠毅李標侍郎標師同邑趙南星魏忠賢  
黨因列之東林同志錄中標懼禍引病去莊烈帝  
登極即家拜禮部尚書文淵閣大學士標為人持  
大體中立無黨時方綜核名實過於嚴急標每  
劑以和平後復五疏乞休得請家居卒謚文節喬  
若雯臨城人萬厯進士官禮部主事崇禎九年劾  
魏廣微陳九疇等有直聲歷吏部考功員外郎  
郎出為兗州知府聽斷明決豪猾斂跡久之以疾  
歸士民遮道泣送十一年臨城失守若雯端坐按

劍以待兵入遂遇

李讓

趙州人崇禎庚午舉人癸酉流賊掠西山鄉民欲逃

讓以忠義勸衆聚保賊至與從兄武舉調恚力拒守手刃數賊中流矢死調亦被殺事聞詔贈讓宛平縣尹調都司同知建坊本朝乾隆四十一年並

予入忠義

郝奇遇

柏鄉人生有至性崇禎末聞都城陷語其妻曰我欲死難汝能之乎妻曰

祠

能遂先死奇遇

瘞畢飲藥死

本朝孫昌齡

字念劬寧晉人明天啟進士官吏部主事順治初授考功司郎中條議時事千

百言屢遷左副都御史奏免正定屬邑荒地逋賦卒贈右都御史謚恭憲初明崇禎間兵變昌齡家有傭人張進寶者南宮人隨昌齡子經匿城東僻地一日偶出兵執之問汝主何在不應兵刃交下

予祭英如典禮雍正十年  
命入賢良祠乾隆二年

賜諡文毅裔介著述甚多嘗輯諸史中事論斷

魏槐祥

之曰經世編又有賢賢學知統錄等書

柏鄉人由拔貢生授廣西通判累遷潮州知府康熙十三年總兵劉某與續順公沈志祥有隙乘機激變以刃脅槐祥從逆槐祥曰任汝所為我惟一死報國耳遂幽之一室槐祥每日拍案大罵十指

進寶蓋其指曰死則死耳不知主人何魏裔介字石

盡出而不食而死

張文高

臨城人有至性年十五隨父入山父為豹搏文高奮救得免事

繼母亦以孝聞乾隆八年詔旌其門

流寓宋魏廷式

宗城人常客遊趙州舍于監軍魏咸美之廨廨西素凶咸美知廷式有膽

力命居之卒無恙

列女南北朝魏任城王太妃孟氏

鉅鹿人尚書令任城王澄之母澄為

楊州時率兵出討賊帥張慶真陰結逆黨襲陷羅城長史韋纘倉卒無計孟乃勒兵登陴激勵文武

諭之逆順于是咸有奮志親自巡守不避矢石賊不能克卒以全城事聞勅有司樹碑旌表北

齊李搔妹法行

趙郡人幼好道截指自誓不嫁遂為尼所居去鄴三百里往來恒步

在路或不得食飲水而已雉免馴狎入其山居房  
室齊亡後遭時大儉施糜粥于路異母弟宗侶與  
族人孝衡爭地相毀法行曰我有地二家欲得者  
任取之何為輕致忿訟宗侶等慙遂讓為閔田

隋李士謙姊

平棘人適宋氏母  
亡不勝哀而死

盧氏

李士謙妻士  
謙終開府參

軍有所贈賻氏一無所受謂州之父老曰參軍生  
平好施今雖殽安可違其志哉于是散粟五日以  
賑窮乏世多賢之

孝女王舜

趙郡王子春之女子春為從  
兄長忻謀殺舜時年七歲妹

梁五歲璫二歲並寄食親戚舜陰有復仇之心及  
長親戚欲嫁之輒拒不從謂二妹曰父仇不復吾  
輩雖女子何用生為二妹垂泣惟命各持刀踰牆  
而入手殺長忻夫妻以告父墓因詣縣請罪姊妹  
爭為謀首高祖聞而嘉之特原其罪

宋宋綬母楊氏

綬幼為外祖楊  
徽之所器愛徽



之無子家藏書萬卷悉與綬綬母亦知書躬自教訓以故博通經史百家文章為一時所尚及綬官

參知政事明杜氏女趙州人年及笄值寇掠大石橋突入逼之詈罵不從賊怒

刺其腹而死白璋妻楊氏柏鄉人璋病亡氏白勤妻李

氏柏鄉人年十六邑胥趙權謀欲污之伺勤遠行遂入卧內李疾呼詈罵權逸去勤歸訟于官邑

令庇胥而笞勤死蔣氏名安閑臨城訓導蔣氏女夫李憑志自縊死

流賊陷臨城入學舍猝鉞及妻李欲殺之女伏暗室聞之遽出泣言願代親死賊釋鉞及李欲犯之

堅拒不從趙學書妻劉氏臨城人嘉靖癸丑流寇賊起殺之至執其姑氏往救紹賊

舍其姑即孫昌毅妻張氏寧晉人昌毅卒張舍殮赴火死如禮幾死者數矣親戚

屢勸慰之終不  
**李氏女**  
隆平人年及笄未嫁崇禎  
戊寅為兵所執女厲聲曰

我寧死于此義不辱兵脅以刃  
女即以刀自毀其面遂被殺  
**楊晉妻曹氏**  
隆平人崇

禎戊寅兵圍城急眾議逃避曹笑曰避將安之庀  
前井足完吾事矣城陷遂攜二女入井死同時張

爾翮妻馮氏亦偕其女  
及婦王氏同赴井死  
**馮青選妻曹氏**  
寧晉人青選歿一子

方二歲號泣欲死如王氏勸止之乃強食飲以撫  
其子崇禎甲申流賊至縣境曹語其如曰我少婦

不宜丁亂世幸如可託得撫育吾子  
足矣吾將從夫於地下遂自縊死

**本朝李淮妻傅氏**  
高邑人姑病疽醫藥不治氏吮其  
毒復籲天祈以身代姑竟愈後淮

官翰林卒於京邸聞訃  
即哀毀泣血投繯死  
**王澐女**  
新城人許字隆平  
張肯構未嫁肯構

歿女聞即閉門自縊家人奔救得不死送歸夫家  
守節入門拜舅姑不語亦不食舅姑許以立嗣始  
就食奉養尊嫜訓誨嗣子王公弼妻宋氏隆平人  
孝慈兼著雍正中旌表  
兒妻王氏胡六兒妻張氏皆柏鄉人孫學妻劉氏  
俱為強暴所逼不從見殺有司請旌  
寧晉人天歿絕食三日親族以姑老且病勸之因  
奉姑守志姑歿既葬氏仰天嘆曰可以行吾志矣  
縊而救甦者數次乃以齒斷舌明必死家人將進  
樂餌氏乘間取刀剖腹死又楊來喜妻牛氏高邑  
人劉行科女東姐臨城人俱以不辱  
強暴死乾隆十二年以後旌表  
孟晰妻周氏  
趙州人家貧夫故姑卧病二載氏拮据以供樂餌  
姑歿遺孤甫五齡撫養成立以承宗祀又本州劉  
成章妻孫氏周欲可妻孫氏曹成性妻侯氏劉長  
久妻王氏孫文玉妻王氏霍夢麟妻張氏侯綸妻

賈氏李守讓妻李氏賈多福妻宋氏屈恭妻張氏  
王九信妻趙氏宋桂蘭妻張氏張維濟妻宋氏孫  
振宗妻王氏郭勤學妻尹氏王純德妻李  
氏乾隆十四年以來均以節烈旌表 魏裔訥

妾李氏

柏鄉縣人裔訥官桃源令署夜火有嫡孫  
方卧乳媪因火驚走氏入火中抱之出及

裔訥歿時命衆妻改適氏獨涕泣不忍去守志以  
終又同縣魏萬妻邢氏楊道楫妻劉氏白琛妻李  
氏劉二京妻呂氏魏裔京妻王氏魏世恒妻趙氏  
魏勸妻趙氏馬騰妻韓氏張志仁妻趙氏張文燦  
妻呂氏白勵妻賈氏郭進寬妻魏氏魏泰妻王氏  
王澤永妻趙氏趙金壁妻康氏江鳳時妻張氏江  
天爭妻李氏魏文彬妻李氏並以  
節烈著乾隆元年以來 楊溥印妻郭氏  
隆平縣人夫歿姑老氏黽勉以奉甘旨會姑病親  
侍湯藥衣不解帶者數月撫孤成立冰操歷久不

渝又同縣武子俊妻李氏武寧邦妻王氏張世修妻司氏張拱妻李氏劉文耀妻楊氏劉惠妻趙氏馬德宏妻張氏蕭致祥妻蘇氏楊錫妻董氏畢金礪妻王氏趙配命妻李氏朱霞妻楊氏曹秉銅妻王氏武振妻魏氏趙錦祚妻張氏趙昇妻蕭氏董宗著妻王氏董鄴妻喬氏李茂林妻史氏李念祖妻張氏張加祥妻趙氏趙淑曾妻馬氏李好仁妻戎氏楊勝任妻張氏楊俊妻賈氏楊偉妻王氏楊威妻王氏武自修妻張氏楊清妻許氏趙文憲妻徐氏楊貴臣妻岳氏戎西山妻王氏喬文星妻張氏宋振妻李氏宋吉妻籍氏董雍樂妻岳氏岳家旺妻董氏高秉元妻劉氏趙巖妻董氏戎華國妻曹氏王化妻王氏趙錫妻李氏董新樂妻王氏張翔妻尹氏張元生妻王氏張泓妻馬氏汪炳妻王氏劉世傑妻謝氏張升鰲妻檀氏成允執妻郭氏趙謙妻國氏李璫妻趙氏國祺妻祝氏楊協遠妻

張氏謝剛妻趙氏高進美妻馬氏薛成名妻張氏  
武名捷妻張氏劉獻珍妻馬氏趙晉蘭妻程氏張  
錫妻王氏乾隆三年以趙成龍妻董氏高邑縣人  
後均以節烈詔旌  
舅姑年九旬紡績奉甘旨守節數十年又同縣胡  
熙祚妻呂氏梁文振妻張氏王見禮妻申氏牛如  
奎妻張氏馬祥妻郭氏馮天明妻趙氏劉之德妻  
程氏席北院妻王氏平撰妻牛氏張宏溫妻李氏  
郭天長妻張氏劉之微妻褚氏李性善妻焦氏李  
思方妻魏氏王階雲妻呂氏李際泰妻崔氏孫文  
妻王氏李湛妻宮氏李讓妻李氏乾  
隆二年來俱以節烈先後題旌  
曹時忠妻劉  
氏臨城縣人夫歿姑病以乳哺姑有諷以他適者  
因斷髮自矢值歲饑自食糠而舅姑甘旨不缺  
又同縣李之碩妻王氏和聚業妻楊氏李之奇妻  
張氏趙笑妻潘氏郝自得妻陳氏李從孝妻王氏

均于乾隆十六年以後請旌  
**孟潤妻李氏**  
寧晉縣人年十九而寡家貧勤女紅以事

舅姑撫育遺孤甫成婚而又夫與媳王氏並矢清操又同縣李貴中妻趙氏王明嗣妻張氏趙相國

妻李氏李佩妻李氏李嘉珍妻趙氏李之密妻孫氏趙元福妻孟氏張希賢妻趙氏羅可才妻高氏

張瑄妻陳氏趙紹元妻田氏張英妻孟氏閔廣嗣妻賈氏馮泌妻高氏鄭天祥妻梁氏張裕如妻王

氏張觀光妻高氏閔加瑚妻睦氏妾王氏孫樛妻李氏張士治妻章氏趙三聘妻李氏張經妻劉氏

王推晉妻孫氏王三極妻張氏宋文學妻耿氏王熾妻李氏孫喜妻李氏王宸妻鄭氏胡珍妻薛氏

段智妻董氏張之序妻劉氏李鐸妻劉氏宋琢妻姚氏馮如璣妻張氏馮道中妻劉氏劉進仁妻高

氏曹維屏妻李氏韓肅妻常氏鄭祚昌妻王氏柳盛鉉妻陳氏張振祖妻畢氏賈如顏妻孫氏韓鏞

妻屈氏趙天祥妻武氏趙學曾妻杜氏趙天瑞妻  
耿氏張振妻郝氏馮任妻劉氏賈文瑞妻張氏表  
知璧妻武氏張宗舜妻曹氏王允壻妻孫氏孫尚  
妻樊氏王宥妻閻氏楊于朝妻趙氏陳榮妻徐氏  
施玉妻馮氏孫灼妻岳氏白楷妻張氏張斌照妻  
喬氏張騰龍妻韓氏孫核妻劉氏耿蘭妻曹氏王  
國卿妻杜氏馮慶餘妻周氏馮如愚妻劉氏孫塽  
妻劉氏朱九成妻王氏柳仲妻李氏高磷妻薛氏  
蔡良選妻魏氏蔡良忠妻周氏蔡良敬妻梁氏鄭  
祚曾妻董氏鄭國輝妻李氏李光服妻王氏董建  
庸妻曹氏羅宗奇妻鄭氏曹爾奇妻王氏靳祿妻  
趙氏李宏章妻鄭氏李兆鳳妻季氏范達妻楊氏  
張銘妻章氏張觀陞妻陳氏孫維翰妻張氏孟啟  
祥妻王氏王令名妻耿氏張鳳鳴妻劉氏董起鳳  
妻樊氏馮需妻梁氏樊鑑遠妻劉氏陳楷妻江氏  
高自佑妻郝氏曹德華妻尚氏展大奎妻杜氏王



欽定四庫全書

卷三十二

鳳淳妻師氏張鳳翼妻王氏張元瑞妻姜氏王心泰妻張氏並以節烈著乾隆元年以來先後詔

旌顏名魯妻王氏寧晉人年十九適顏事舅姑以孝聞至一百八歲而終孫曾五

世相聚乾隆二十六年詔旌其門

仙釋唐從諗居趙州觀音院精心元悟受法南泉印

古佛本朝雍正中加宋張惠明趙州人結廬中

封圓證直指真際禪師條山有道術太宗詔入內殿封妙濟

土產絲布純太平寰宇記趙州產石榴太平寰宇記趙州產

杜佑通典趙郡貢錦五十疋又唐書地理志趙州土貢絹今皆不概見附注于此



欽定大清一統志卷三十二

欽定四庫全書


史部  
欽定大清一統志卷  
三十三至  
三十五


編修 臣 錢 樾 覆 勘

總校官 檢討 臣 何 思 鈞



深州圖









深州表

深州

欽定四庫全書

漢	深州	下博縣	前漢屬信都國後漢改屬安平國	樂鄉侯國	前漢屬信都國後漢	省
三國魏		下博縣				
晉		下博縣				
後魏		下博縣	屬長樂郡北			
齊		下博縣	屬長樂郡北			
周		下博縣	屬長樂郡北			
隋		下博縣	屬信都郡			
唐	深州	下博縣	武德初屬冀州六年移州東治	貞觀元年府廢州還舊治縣屬	深州十七年屬冀州	先天二年仍屬深州
五代	深州	下博縣	治臨漳縣			
宋	深州	下博縣	屬河北西路			
金	深州	下博縣	屬河北西路			
元	深州	下博縣	屬河間府			
明	深州	下博縣	屬河間府			

洪武初省入州

## 陽饒

武強縣

---

L

陽縣  
晉州

初為州治  
雍熙四年  
省入靜邊

初於縣屬東武州太  
宗六年廢  
還屬澤州  
十一年割  
屬祁州  
宗改屬晉  
州

縣

安國

安平縣

前漢屬  
郡治  
安平國  
郡治漢  
郡治漢

博陵國博陵郡博陵郡

安平縣

國治

安平縣

郡治

安平縣

開皇初郡  
廢十六年  
置深州大  
業初廢  
武德四年  
復置深州  
尋徙廢

年置無  
縣大業初  
置縣自魏  
省入  
初置八十  
七年州廢  
還屬深州  
先天二年  
復屬深州

安平縣

開皇中為  
深州治大  
業初屬博  
陵郡  
先天二年  
仍屬深州

安平縣

安平縣

安平縣

安平縣

安平縣

中統二年  
改為晉州

安平縣

屬晉州

欽定四庫全書



欽定四庫全書

大清一統志卷三十三

深州

在京師西南六百一十二里東西距一百二十三里南北距一百一十五里東至河間府交

河縣界六十八里西至保定府東鹿縣界五十五里南至冀州衡水縣界五十里北至保定府蠡縣界六十五里東南至冀州武邑縣治六十里西南至保定府東鹿縣治六十五里東北至河間府河間縣治一百六十里西北至定州深澤縣治七十里本州境東西距九十三里南北距九十里東至武強縣界三十八里西至保定府東鹿縣界五十五里南至冀州衡水縣界五十里北至安平府界四十里東南至冀州武邑縣治六十里西南至保定府東鹿縣治六十五里東北至饒陽縣治七十里

欽定四庫全書

西北至保定府深

澤縣治七十里

分野天文昴畢分野大梁之次

建置沿革禹貢冀州之域春秋時晉地戰國屬趙秦

為鉅鹿郡地漢置下博縣屬信都國後漢屬安平

國晉因之後魏屬長樂郡隋屬信都郡

開皇中分置深州在

今安平縣

唐武德初屬冀州六年自信都移州治此貞

觀元年還舊治以下博屬深州

時州治饒陽

十七年深

州廢縣屬冀州先天二年又分置陸澤仍置深

州以下博屬之

按唐書地理志下博縣開元二年隸冀州永泰元年復屬深州舊唐

志無此文李吉甫元和郡縣志下博縣仍屬冀州

天寶初改饒陽郡乾元

初復曰深州屬河北道五代周顯德中分置靜安

軍宋太平興國七年以下博縣屬靜安軍雍熙二

年軍廢以下博屬深州四年改下博曰靜安移深

州來治省陸澤入之屬河北西路金曰深州屬河

北東路元初屬河間府太宗十年改屬正定路明

洪武初以州治靜安縣省入仍屬正定府

本朝初因之雍正二年升為直隸州領縣三

武強縣

在州東五十里東西距四十二里南北距四十八里東至河間府交河縣界三十里

西至州界十二里南至冀州武邑縣界八里北至饒陽縣界四十里東南至武邑縣界十二里西南

至冀州衡水縣界十八里東北至河間府獻縣界三十五里西北至州界十五里漢置武隧縣屬河

間國後漢曰武遂改屬安平國晉初因之後又分

置武強縣俱屬武邑郡後魏皇始二年徙武邑郡

治武強神光二年省武強太和十八年復置北齊

廢郡併武遂縣入武強隋屬信都郡唐武德四年

屬冀州貞觀元年改屬深州十七年屬冀州先天

二年又屬深州開元二年復屬冀州永泰初仍屬

深州唐末還屬冀州五代周又屬深州宋金因之

元初於縣置東武州太宗六年州廢還屬深州十



一年改屬祁州中統二年改屬晉州明因之饒陽  
本朝初屬正定府雍正二年改屬深州

縣

在州東北六十里東西距五十里南北距五十里東至河間府獻縣界三十里西至安平縣界

二十里南至州界三十里北至河間府肅寧縣界二十里東南至武強縣治六十里西南至州界二

十五里東北至河間府河間縣治九十里西北至保定府蠡縣治七十里本戰國趙饒邑漢置饒陽

縣屬涿郡後漢屬安平國晉屬博陵國後魏屬博陵郡隋開皇三年屬定州十六年屬深州大業初

改屬河間郡唐武德四年移深州治此貞觀十七年州廢還屬瀛州先天二年仍屬深州五代宋金

因之元改屬晉州明因之本朝安平縣在州北初屬正定府雍正二年改屬深州

東西距五十里南北距三十五里東至饒陽縣界十七里西至定州深澤縣界三十三里南至州界

十里北至保定府蠡縣界二十五里東南至武強縣治九十里西南至保定府束鹿縣治九十里東北至河間府肅寧縣治八十里西北至保定府博野縣界二十五里漢置安平縣屬涿郡為都尉治後漢改屬安平國晉泰始初改置博陵國於此後魏為博陵郡治隋開皇初郡廢十六年於縣置深州大業初州廢屬博陵郡唐武德十四年復置深州尋徙州治饒陽以安平屬之貞觀十七年屬定州先天二年仍屬深州五代宋金因之元太祖十九年於縣置南平州太宗七年復廢為縣中統二年改屬晉州明因之本朝初屬正定府雍正二年復屬深州

形勢廣袤與嶠周迴翕聚

明金幼孜深州八景記

介瀛冀鎮定

間所謂四通五達之郊

府志

風俗士樂孝友敦詩書民力織作勤畝

舊志

城池深州城

周八里門四濠廣二丈明景泰初築正德六年增高五尺萬曆二十二年甃磚

本朝康熙中

兩經修治

武強縣城

周四里有奇門四明成化十年改築本朝順治康熙中

屢修饒陽縣城

周四里門三濠廣二丈明成化五年築外有護城堤周八里本朝順治

二年重修安平縣城

有內外二城內城周五里有奇門四明成化中築正德六年又於西

南北三面增築土垣周八里門三謂之外城嘉靖二十六年又增築禦水土隄六里有奇本朝康

熙二十五年重修

學校深州學

在州治東明永樂中建本朝

武強縣

學

在縣治東南元至正中建本朝順

饒陽縣學

在縣治北元貞中安平縣學在縣治東北元至

熙二十六年重修博陵書院在州城內本朝康熙

入學額數十八名雲城建又武強縣有萃升書院饒陽縣有近聖書

院各州縣並有義學按州城東南隅舊有恒麓

戶口

御史劉瑤建久廢

田賦

又滋生丁一萬七千九百一十八

田地二萬五千四百三十五頃三十七畝零額

徵地丁銀九萬六千二百七錢八分零米二

十六石四

斗九升零

山川滹沱河

舊自保定府東鹿縣流經安平縣南又東經州北又東北經饒陽縣北入河間

府獻縣界後漢書更始二年先武自饒陽南出至滹沱河無舩適遇水合得過進至下博註滹沱河舊在饒陽南曹操因饒河故清決令北注新溝水所以今在饒陽縣北李吉甫元和郡縣志滹沱河在安平縣南二十三里又北去饒陽縣四十五里舊志滹沱河自宋熙寧以後往往決溢金元至明決徙數見明初自東鹿縣流逕州南傅家池抵衡水縣界入漳永樂四年北徙東流出武強縣界十六年又改逕衡水縣入漳成化八年改由晉州南入寧晉泊正德十三年紫城口淤分為二股一股仍南入寧晉一東由鴉兒河逕州城南既而二股併流東行由東鹿經州界至武強小范店會清河後復自東鹿徙由州北至武強北壞獻縣堤未幾復移逕州南東北入獻縣嘉靖三十七年又徙饒陽

隆慶三年水決東鹿泛溢州界為害尤甚萬歷中又北徙由州北出饒陽縣界三十五年又南徙逕州城南四十五年復移城北天啟後漸徙而南本朝順治二年由東鹿南歷冀州入漳而州境遂無水患康熙五年復自東鹿分道決入州境清水河鴉兒河亦名了兒河在東鹿縣流入下流過獻縣南合於胡盧河春冬則涸雨潦則盈舊志河在潯沱衡漳間蓋矢流兩分合而為河因名了兒又有龍治河在州東南五十里亦潯沱支流東經武強縣南入漳

葫蘆

河

在州東南潯沱漳滏之會流自冀州衡水縣流入州界又東北經武邑縣北武強縣南又東北

入河間府阜城縣界又名清水河本漳水故道也鄭道元水經注衡漳水自桃縣又北逕鄆縣故城東又東北逕下博縣故城東西逶迤東北注謂之九爭西逕樂鄉縣故城南又東列葭水注之漳水又

東北遷武邑郡南又東遷武強縣北又東北遷武  
遂縣故城南白馬河注之又東遷武邑縣北又東  
北右合張平口故溝又遷東昌縣故城北又東北  
左會潯沱故漬謂之合口元和郡縣志長蘆水在  
下博縣南樂史太平寰宇記衡漳河在武強縣南  
五里通鑑遠自晉漢以來屢寇河北無藩籬之限  
周顯德二年言事者稱深冀之間有胡蘆河橫亘  
數百里可浚之以限其奔突因詔王彥超韓通浚  
胡蘆河築城於李宴口留兵戍之宋史河渠志淳  
化二年從河北轉運使請自深州新砦鎮開新河  
導胡蘆河分為一派凡二百里抵常山以通漕運  
金史河渠志衡水遷深州會於潯沱以來獻州清  
州之餉州志胡蘆河舊在州南四十里今自衡水  
遷武邑不經州界武強縣志清水河在縣東南十  
八里舊遷縣東小范店入阜城縣界今由縣東北  
入獻縣界又縣南十三里有雁河縣東北三十里

有序子河縣西北八里有古白馬河在饒陽縣南于家河下流俱入清水河東南流入武

強縣界水經注白馬河水上承潯沱東逕樂鄉縣北饒陽縣南又東南逕武邑郡北而東入衡水謂

之交津口樂史太平寰宇記枯白馬渠在縣南今名白馬溝趙記云魏白馬王彪所鑿故名俗謂之

黃河舊志有古黃河在縣南八滋河在饒陽縣北里濶十里兩岸皆有古堤即此縣志舊自保

定府祁州合沙唐二河逕縣北二十里許每夏秋衝決為患歲修隄防明嘉靖間徙流蠡縣水發時

猶潰溢本朝順治鐵燈竿河在饒陽縣北舊時二三年皆入縣境潯沱之水自此決

入保定蠡縣與唐滋沙諸水漚古饒河在饒陽縣西南應邵流復東溢於河間府城北今堙

曰饒陽縣在饒河之陽舊志在縣西南三院西口十里本潯沱支流昔時北注入易水今堙



河

在安平縣北上流即泝水自祁州三岔口與唐  
滋二水合流入縣界下流入博野蠡縣界元和

郡縣志安平縣有泝水令名礪河西自定州義豐  
縣流入舊志今謂之院西口河在縣北二十五里

大陸澤

在州北元和郡縣志在陸澤縣南  
三里即禹貢大陸澤縣因以名

蓮花池

在州東四十  
里為水聚處

賈家溝

在武強縣東北東流合於漳  
水又閻家溝在縣東亦潯沱

支流也東合龍池河又有古河岔  
河俱在縣北分自清漳者今涸

駱駝灣

在武強  
縣西北

五里潯沱決溢時此為鍾水之處稍東南曰吳  
家灣明嘉靖中議濟渠於此以洩積水不果

古

龍井

在安平縣西三十里  
深數丈泉出不竭

古蹟下博故城

在州南漢置應劭曰泰山有博故此  
如下韋懷太子賢曰在博水之下故

曰下博後漢書更始二年先武至下博城西惶惑不知所之有白衣老父在道旁指曰努力信都為長安守去此八十里先武即馳赴之蕭德言括地志下博故城在今下博縣南二十里太平寰宇記後魏移理於衡水縣去今縣二十里俗謂之故縣城後周建德六年又移今理舊志金史地理志靜安有下博鎮即故縣也陸澤故城在州北唐置為在今州東南三十里地理志先天二年分饒陽鹿城界置陸澤縣於古鄆城宋史地理志雍熙四年廢陸澤縣舊志陸澤城在州東北五里又見東鹿深州故城在今州南即故靜安縣於此元和郡縣志下博縣南至冀州一百里太平寰宇記縣道記云今理即漢祭遵壘北枕衡漳水是也王存九域志雍熙三年縣省四年復置改曰靜安始自陸澤徙深州治此舊志明洪武初省縣

入州永樂十年游沱漳水決溢城壞因徙州樂鄉  
吳家莊即今治也故城在今州南二十五里

**故城**

在州東南漢地節三年封河間獻王子佟為侯國屬信都國後漢建武元年封杜茂為侯

邑尋廢舊志樂鄉故城在州東南三十里

**靜安軍城**

在州東南本名李晏口亦曰李晏鎮

五代周顯德二年築城屯軍於此謂之靜安軍南距冀州百里北距深州三十里夾胡蘆河為壘宋雍熙二年廢舊志在州東南五十里今河間府景州亦有李晏鎮蓋昔時胡蘆河東西津口云

**武**

**隧故城**

在武強縣東北漢置武隧縣後漢改曰武隧北齊省元和郡縣志武隧故城在武強

縣東北三十一里秦破趙將扈輒於武隧即此也縣志今為沙窪村

**武強故城**

有二一在

今武強縣東北漢高帝六年封功臣嚴不識為武強侯後漢建武元年又封太司空王梁為武強侯

皆未置縣胡三省通鑑注引宋白曰武強故城在今縣東北三十里一在今武強縣西南晉惠帝時封廬志為武強侯蓋自是始為縣後魏神光中省太和十八年復置唐屬冀州元和郡縣志縣西南至冀州一百三十里本漢武隧縣地晉於此置武強縣故在縣西南二十五里即漢時侯邑地也太平寰宇記西晉置縣因漢古城以名高齊移於今理其城即後魏武邑郡治道武皇始二年築九域志縣在深州東北六十里饒陽故城有二一在令縣志舊城村在縣南五里饒陽故城饒陽縣東本趙饒邑史記趙悼襄王六年封長安君以饒後漢書郡國志饒陽故名饒是也北齊始移治魯口城而故城廢蕭德言括地志饒陽故城在今縣東北二十里一在今饒陽縣南即魯口城也晉永和六年慕容雋擊後趙至無終趙將王午鄧恒棄薊城走保魯口魏書地形志饒陽有魯口城元和郡縣

志饒陽縣西南至深州三十里縣理城晉魯口城也公孫泉叛司馬宣王征之鑿滹沱入泝水以運糧因築此城蓋滹沱有魯沱之名因號魯口後魏道武皇始二年車駕幸魯口即此太平寰宇記北齊天保五年移饒陽縣於今理即後魏虜渠口置虜口鎮於此九域志縣在深州北九十里蓋宋時又遷而北也舊志有故城在縣南二里亦曰故蕪城村又有光武城在縣西南三十里一名羅城蕪

### 蕪故城

在饒陽縣東北隋開皇十六年置蕪蕪縣大業初省入饒陽唐武德四年復置貞觀

元年又省元和郡縣志蕪蕪故城在饒陽縣東北三十里里隋縣也蓋因東北蕪蕪亭為名安

### 平故城

今安平縣治漢置高帝六年封鄧千秋為侯邑自晉至北齊皆為博陵郡治唐屬深

州元和郡縣志縣東南至州五十三里太平寰宇記城北面有臺俗謂之神女樓九域志縣在深州

西北八十五里 **穀邱故城**

在安平縣西南漢置縣屬涿郡後漢省太平寰宇記穀邱故城

在安平縣西南十五里

**燕萋亭**

在饒陽縣滹沱河濱後漢書郡國志

縣志今訛為角邱社

安平國饒陽有燕萋亭馮異傳更始二年光武自薊東南馳至饒陽燕萋亭時天寒烈衆皆饑疲馮

異上豆粥帝饑寒俱解縣志亭在縣北

**凌消村**

在州北

北五里草蘆村又有燕萋社在縣東 **凌消村** 在州北四十里古滹沱河南岸即光武渡河冰合之處 **平**

**都村**

在武強縣東二十五里明建文時正定都指揮平保屯營於此因名

**孝義鄉**

在州

東三十五里大馮村五代時李自倫六世同居於此

**文瑞堂**

明統志在深州陸澤唐張鷟為

兒時夢紫文大鳥止其庭大父曰吾聞紫文鷟驚也若壯始以文章瑞朝廷乎遂命名鷟後鷟為學

士果以文名州刺上方臺在饒陽縣東十里高四丈周五畝春日草卉先

芳亦謂之先春臺上有龍母廟下有井禱雨輒應又花臺在縣西十三里高一丈廣畝又營臺在縣

北十里高數尺相傳光武行營每經水澇不沒

### 關隘小范鎮

在武強縣東二十里小營在武強縣東北三十五里相傳金末備禦元兵

屯營於此劉本闕堡在饒陽縣東北十五里又段村堡在縣南

十八里小堤堡在縣子文店堡在安平縣西二十里又馬店堡在縣

西十五里皆有市集西二十五里新莊店堡在州東南五里舊受溝

在縣西南三十里俱有城傅家池集在州東南五里舊受溝沱河水自河北徙池亦淤塞今名鹽塲莊在州南

## 欽定四庫全書

欽定大清一統志

生五穀舊聽民煎鹽  
納課後行官鹽遂罷

橋梁下博橋

在故下博城東跨胡蘆河上五代梁乾化二年朱全忠侵晉冀攻蔣縣晉李存

審軍趙州謀出奇破之  
引兵扼下博橋即此

閻家口橋

在饒陽縣東北十里

呂漢

橋

在饒陽縣東北十二里又劉本關橋在縣東北十三里

堤堰捍水堤

在州北三十五里歲久頽敗惟存二阜巉然屹立俗呼為紫金山

古堤

在武強縣城外四面皆有堤高濶俱數丈昔時築以障水道址猶存

長城堤

在饒陽縣南二

十里西連先武城

柏林堤

在饒陽縣北五里又北小堤在縣西十五里繞城西北與柏林

堤相連

滋河堤

在饒陽縣北滋河兩岸

秦公堤

在饒陽縣東北二十餘里高口



村西南明嘉靖間  
知縣泰世顯築

三河堤

在安平縣北二十里明嘉靖中知縣郭學書築

長三十餘里

龍治堤

在州東自柳家莊起至岔河口止本朝乾隆二十五年二十七年

兩經修築

陵墓商王墓

在饒陽縣西南勝水村昔有掘井者見墓門題曰商王墓遂不敢入而止漢

崔寔墓

在安平縣西

唐劉幽求墓

在武強縣西北

李百藥墓

在安

平縣東北

五代晉李自倫墓

在州東三十五里

宋李昉墓

在饒陽縣

武公村

歐陽珣墓

在州南二十五里舊城外珣吉州人靖康中使金會深州固守不下

以珣之城下招之珣慟哭勉城中以忠義遂被殺葬此

明張鳳墓

在安平縣東南十里

祠廟廡頗廟

在饒陽縣東二十五里

馮母廟

在饒陽縣治西明統志相傳漢馮異

從光武其母囑之曰汝今盡忠莫思盡孝我寧死遂自縊後建廟祀之

忠烈祠

在州西門

外明崇禎十六年  
建祀知州孫士美

寺觀開元寺

在州舊城內  
唐天寶中建

福聖寺

在州東四十里  
唐貞觀中建

清

峯寺

在州東五十里  
唐天寶中建

天寧寺

在州南三十里舊城  
里村唐貞觀中建

寶月寺

在州東北五十里  
唐太和中建

法寶寺

在州境唐鳳村  
唐開元中建

五

祖寺

在武強縣北十里  
唐咸通中建

福勝寺

在饒陽縣隋  
開皇中建

洪福寺

在饒陽縣唐  
貞觀中建

祈真寺

在安平縣北一  
里隋開皇中建

名宦南北朝齊袁聿修

陽夏人天保初以太子庶子行博陵太守數年大有聲績

遠近稱之路去病

陽平人河清初為定州饒陽令明嫻時務性頗嚴毅人不敢欺然至廉平

吏民歎服唐賈敦實

寬甸人太宗時為饒陽令政清靜吏民嘉美舊制大功之嫌不連官

時敦實兄敦頤為瀛洲刺史朝廷以其兄弟治行相高故不徙以示寵

張興

東鹿人為饒陽

裨將安祿山來攻興開示禍福譬曉敵人嬰城彌年衆心遂固滄趙已陷史思明引衆薄城興探甲

指揮刀重五十觔乘城一舉輒數人死賊皆氣懾城破見縛思明鋸解之且死罵曰吾能衆強死兵

敗賊衆軍中凜然為改容

宋王鼎

館陶人仁宗時知深州王則以貝州反深卒龐旦與其徒

謀以元日殺軍校劫庫兵以應之前一日有告者鼎夜出檄遣軍校攝事外邑而陰為之備翌日會

僚友置酒如常叛黨愕不敢動鼎刺得實捕首謀十八人斬之一郡帖然明年河北大饑鼎盡力賑

救

**寶卞**

宛句人知深州熙寧初河決潯沱水及郡城地大震流民自思冀求踵相接卞發常

平粟食之吏白擅發且獲罪卞曰侯請而得報民死矣吾寧以一身活數萬人尋以請詔許之**金**

**胡礪**

武安人皇統間同知深州軍州事郡守暴戾茂視僚屬礪常以禮折之守愧服郡事一委

於礪州管五縣例置弓手百餘歲賦民錢五千餘萬為催直其人皆市井無賴以跡盜為名所至擾

民礪悉罷去繼而有飛語曰某日賊發將殺通守或請為備礪曰盜所利者財耳吾貧如此何備為

是夕令公署撒

**明蕭伯辰**

清江人永樂初知深州聞竟亦無事存心慈惠廉靜有為度

城中地勢將有水患乃徙其民於高原以待之既而雷雨大作潯沱與漳水並溢城竟地遂奏於先

避水之地

耿福緣

四川人宣德中為安平縣丞兩建治焉以兄員當汰皆為部民所留後

又當汰民相率言福緣視民如子田里獲安今當去職民失所倚見在縣令有疾求去乞即用福緣

以活百姓詔許之

宋徵

洪洞人正統中饒陽知縣清勤慈惠權要病民悉繩

以法三載間庶民安業盜不涉境卒於官

李鴻

乾

人正德中知深州時流賊縱橫所至殘破鴻乃繕城浚池為萬全計民聞賊鋒銳甚欲遵避鴻曰我

以死守城為誰耶民皆感激登城賊遂引去

余一鵬

莆田人嘉靖中知深州以潯沱將為

害於城外築長堤周迴九里後水至堤下城賴以全

錢博學

萊州人隆慶間知武強縣修城

課士建置學田纂輯邑乘為時稱美

羅名士

光州人隆慶間知饒陽縣初下車值河水為患

薄敘省刑禁商鹽革雜派卒

李守真

沁源人萬厯初饒陽知縣

時濬沱河水決幾冒城郭守真力排羣議環城築長堤數百丈繞堤內外植柳三千餘株邑人至今賴之何鑒泰興人萬厯間安平知縣培城基以杜水患又多開水閘蓄洩之時商鹽為民深累

鑒申文力請免派數十年積蠹一朝而清催科盡革羨餘民立祠祀之

孫士美

青浦人崇

禎中知深州州故齊土兵數百皆市人不習戰士美悉力訓練十一年大兵臨城憑城固守力屈

自則於角樓父訥亦縊一家死事者十三人贈太僕少卿並旌訥同時殉節者深州訓導劉恂安平人贈侍讀又畿輔通志有安平縣知縣孔開校深州訓導劉名言吏目熊國俊俱於崇禎中先後殉節

本朝朱衣助

奉天人順治五年知深州時土寇未靖衣助披堅執銳為士卒先捍衛孤城撫

循黎庶民德之

李模

郟縣人順治間授武強知縣治尚清簡民安之政暇與諸生講學不輟及

遷去士民攀轅泣之

人物漢崔駰

字亭伯涿郡安平人祖篆王莽時為建新大尹著周易林六十四篇用決吉凶

多占驗駰博學有偉才盡通古今訓詁百家之言善屬文少遊太學與班固傳毅同時齊名元和中上四巡頌辭甚典美帝嘗嗟歎之謂竇憲曰公愛班固而忽崔駰此葉公之好龍也憲為車騎將軍辟駰為掾及出擊匈奴駰為主簿前後奏記數十指切長短憲不能容出為長岑長駰不之官而歸卒於家所著文崔瑗字子玉駰中子早孤銳志好凡二十一篇學盡能傳其父業年十八至

京師從侍中賈逵質正大義與馬融張衡友好兄  
章為州人所殺瑗手刃報仇因亡命會赦歸家家  
貧兄弟同居數十年鄉邑化之年四十餘始為郡  
吏後舉茂才遷汲令漢安初胡廣竇章共薦瑗宿  
德大儒不宜久在下位由此遷濟北相瑗高於文  
詞尤善書記歲銘所著凡五十七篇愛士好賓客  
威修有膳居嘗蔬食菜羹而

**崔寔**

字子真瑗子少  
沉靜好典籍父

已家無擔石儲當世清之  
卒隱居墓側桓帝初舉獨行除為郎明於政體吏  
才有餘論當世便宜數十條名曰政論當世稱之  
後拜議郎著作東觀出為五原太守教民織績整  
勵士馬嚴烽堠寇不敢犯常為邊最名拜尚書免  
歸建寧中病卒家徒四壁立無以殯斂所著文凡  
十五篇從兄烈有重名於北州歷位郡守九卿靈  
帝時拜  
**崔琦**  
字子璋安平人以文章博通稱舉孝  
廉為郎梁冀聞其才請與交琦數引



古今成敗以戒之莫不能受乃作外戚箴及白鵠賦以風因遣歸後除臨濟長不敢之職解印綬去冀令刺史陰求救之客見其耕於陌上懷書一卷客哀其志以實告琦得脫走冀後竟捕殺之所著賦頌等凡十五篇

### 崔州平

烈之孫諸葛亮自比管仲樂毅時人莫之許也州平及潁川徐

庶與亮友善

### 晉崔洪

字良伯博陵安平人少以清厲顯名武帝時為御史治書

朝廷憚之尋為尚書左丞時人為之語曰叢生棘刺來自博陵在南為鵠在北為鷹遷吏部尚書舉用甄明門無私謁後為大司農卒

### 張載

字孟陽安平人父收

蜀郡太守載性閑雅博學有文章太康初至蜀省父道經劔閣因著銘作誠益州刺史張敏表上其文武帝遣使錫之於劔閣山焉又為濛汜賦司隸校尉傳元見而嗟嘆為之延譽遂知名起家佐著

侍郎累拜中書

**張協**

字景陽，戴弟。少有雋才，與戴齊名。辟公府掾，歷遷河間內

侍郎，告歸卒。

史在郡清簡，寡欲。時天下已亂，協遂棄絕人事，屏居草澤，守道不競。以屬詠自娛，擬諸文士作七命。

世以為工永嘉初，復徵為黃門侍郎，託疾不就。

**張亢**

字季陽，協弟。才藻不逮二昆，亦有屬綴。又

解音，樂伎術。時人謂戴、協、亢、陸、機、雲曰「二陸三張」。中興初，過江，拜散騎侍郎、秘書監。荀崧舉亢領佐

著作郎，出補烏程令。入為散騎常侍，復領佐著作，述歷贊一篇。

**南北朝魏崔辯**

字仲

通博陵安平人。學涉經史，威儀整峻。顯祖徵拜中書博士，累除武邑太守。政事之餘，專以勸學為務。

卒，諡曰恭長子。景雋鯁正，有高風。歷官員外散騎侍郎，參定朝儀。雅為高祖所知，重**崔挺**，雙

根。辯之從父弟幼孤，居喪盡禮。五世同居，後頻年饑，始分析，挺與弟振推讓田宅，惟守墓田而已。家

徒壁立兄弟怡然手不釋卷舉秀才射策高第孝  
文時除光州刺史風化大行遷本州中正及卒光  
州故吏莫不悲感共鑄

**崔振**

字延根挺弟少有學  
行居家孝友為秘書

中散在內謹勅為高祖所知遷尚書左丞景明初  
兼廷尉少卿有公斷以明察稱除肆州刺史在任

有政績卒

**孫惠蔚**

字叔炳武邑武遂人周流儒肆  
有名於冀太和初舉孝廉為中

書博士參定雅樂與秘書令李彪抗論彪不能屈  
定七廟禮與邢巒廷議得失遷秘書丞見東觀典

籍末周請欲禪殘補闕併校句讀以為定本其先  
無本者搜求令足今四門博士及在京儒生四十

人在秘書省專精考校參定字義詔許之延昌間  
封東強縣開國男除光祿大夫卒贈瀛州刺史謚

**戴劉獻之**

饒陽人少孤貧雅好詩傳博觀衆籍時  
人有從學者獻之輒謂之曰子若能入

孝出弟忠信仁讓不待出戶天下自知倘不能然於立身之道有所益乎由是學者莫不高其行義希造其門孝文章中山詔徵典內校書固以疾辭時中山張吾貴與獻之齊名皆稱儒宗吾貴門徒千人行業可稱者寡獻之著錄數百而已皆通經之士以是辨其優劣

**崔孝芬**

字恭梓

長子早有才識博學好文章孝文召見甚嗟賞之襲父爵歷官太常卿加儀同三司兼吏部尚書孝芬善談論愛好後進終日忻然商榷古今聽者忘疲所著文章數十篇第孝偉孝演孝直孝政俱孝義慈厚孝演孝政先亡孝芬等哭泣哀慟絕肉蔬食容貌毀瘠見者傷之始提兄弟同居提弟振既亡孝芬承奉叔母李氏若事所生旦夕溫清出入啟覲家事一以咨決撫從弟宣伯子朗如同氣焉

**劉蘭**

武邑人年三十餘始受春秋詩禮於中山王保安家貧無以自給且耕且讀三年之後立

賢舍聚徒二百讀左氏五日一遍兼通五經甚為精悉又明陰陽博物多識為儒者所宗永平中仕

為國子

馬八龍

武邑武強人輕財重義友人武遂

助教

赴負屍而歸以家財殯葬為制總麻撫其遺孤思如所生州郡表列詔旌其門李几安平人七

世共居同財家有二十二房一百九十八口長幼濟濟風禮著聞至於作役卑幼競集鄉里數美標

其門

齊崔伯謙

字士遜安平人少孤貧善養母神武台補相府功曹稱之曰清直奉

公真良佐也族弟還當時寵要伯謙與之舊寮同門非吉凶未嘗造請天保初除濟北太守恩信大

行徵赴鄴百姓號泣遮道除南鉅鹿太守在郡七年獄無停囚徵轉銀青光祿大夫卒蘓瓊

字珍之武強人幼時嘗謂東荊州刺史曹芝芝戲問曰卿欲官否對曰設官求人非人求官芝異其

對署為府長流參軍除南清河太守姦盜止息化  
行俗美在郡六年人庶懷之遷三公郎中趙州及  
清河南中有人頻告謀反前後皆付瓊推檢事多  
申雪京師為之語曰斷獄無疑蘓珍之官至大理

卿

周崔士謙

辯之孫父楷仕魏為殷州刺史葛榮  
陷城闔門死之士謙仕周累遷荊州

刺史號稱良牧性至孝與弟說特相友愛後雖年  
位並高資產皆無私焉居家嚴肅子曠及說子宏

度並奉其

隋李德林

字公輔安平人該博墳典善  
屬文遭父艱反葬故里隆冬

遭訓云

單衰跣足州里敬慕之齊天保八年舉秀才射策  
五條考皆為上周武帝克齊授內史上士詔誥格  
式及用山東人物一以委之高祖受顧命以德林  
為丞相府屬三方構亂軍書填委文章百端不加  
治點及受禪授內史令虞慶則勸高祖盡滅宇文  
氏惟德林固爭以為不可帝怒由是品位不加所

撰文集五十卷行於世

**崔彭**

字子彭士謙子少孤事母以孝聞性剛毅有武畧工騎射善周

官尚書高祖踐阼累轉驃騎將軍恒典宿衛性謹密在省閤二十餘年每當上在伏危坐終日未嘗

有惰容嘗說君臣戒慎之義上稱善累遷左領軍大將軍卒謚曰肅

**崔仲方**

字不齊挺曾孫

父猷仕周拜少司徒隋初封汲郡公仲方少好讀書有文武才畧周武帝有滅齊志仲方獻二十策

帝大奇之高祖受禪與高頴議正朔服色事勸除六官依漢魏之舊並從之進位上開府爵固安縣

公為虢州刺史上書論取陳之策及大舉伐陳以為行軍總管後數歲轉會州總管時諸羌猶未賓

附詔仲方擊之與賊三十餘戰諸部悉平歷信都太守乞骸骨卒於家

**崔廓**

字士元安平人

博覽書籍多所通涉山東學者皆宗之不應辟召與趙郡李士謙為忘年之友時稱崔李子願字祖

潘七歲能屬文開皇初射策高第詔與諸儒定禮樂授協律郎蘓威雅重之母憂去職性至孝水漿

不入口者五日後歷孫萬壽字仙期武強人年十起居舍人越王長史

五經兼博涉子史善屬文李德林見而奇之高祖受禪滕穆王引為文學官終大理司直唐李

百藥字重規德林子七歲能屬文父友讀徐陵文有刈琅邪之稻之語歎不得其事百藥進曰

春秋邠子籍稻杜預謂在琅邪客大驚號奇童貞觀中累遷散騎常侍宗正卿卒謚曰康百藥才行

為天下推重侍父母喪還鄉徒跣數千里服雖除貌癯瘠者累年好獎薦後進得俸祿與親黨共之

翰藻沉鬱詩尤其所長樵廝劉君良鏡陽人四世皆能諷之所撰齊史行於世

猶同產門內斗粟尺帛無所私隋末荒饑妻勸異居君良即斥去妻名兄弟流涕以告天下亂鄉人



共依之築為堡因號曰義成堡深州別駕楊宏業至其居凡六院共一庖子弟皆有禮節歎而

貞觀六年表其門閭**李安期**百藥子亦七歲屬文父貶桂州

盜哀釋之高宗即位連中書舍人預決國事帝屢責侍臣不能進賢安期曰此見公卿有所薦進皆

劾為朋黨所以人爭禁默避諂帝納之尋檢校東臺侍郎同東西臺三品卒謚曰烈自德林至安期

三世掌制誥孫義**張鷟**字文成深州陸澤人早慧仲又為中書舍人**張鷟**字文成深州陸澤人早慧

功郎騫味道見所對稱天下無雙八以制舉皆甲科累遷鴻臚丞四參選判為全府最員外郎員半

千稱驚文辭猶青銅錢萬選萬中時號青錢學士新羅日本使至必出金寶購其文終司門員外郎

**崔元暉**

安平人少以學行稱居親喪廬有燕更巢共乳甘露降庭樹長安元年為天官侍郎

當公介然不受私謁執政忌之改文昌左丞武后  
曰卿改職乃聞令史設齋相慶此欲肆其貪耳卿  
為朕還舊官再遷鳳閣侍郎以誅二張功為中書  
令俄拜博陵郡王罷政事後流古州道病卒謚文  
獻元暉三世不異居貧寓郊墅羣從皆自遠會食  
與弟昇尤友愛昇為司刑少卿時宋璟劾張昌宗  
不軌昇執論大辟兄弟守正如李湛字興宗饒陽  
此子璩有文學終禮部侍郎  
歲授周王府文學張柬之將誅二張以敬暉及湛  
為右羽林將軍總禁兵請太子至元武門斬關入  
初義府以立武后得宰相而湛為  
中興功臣世不以父惡為貶云  
劉幽求武強人  
舉制科高第授朝邑尉桓彥範等誅二張不殺武  
三思幽求謂曰公等無葬地矣既而五王皆為三  
思構死臨淄王入誅韋后預參大策是夜號令詔  
勅一出其手睿宗立爵徐國公先天元年為尚書

右僕射同中書門下三品監修國史崔湜附太平  
公主有逆計幽求說元宗早圖之未發而言泄乃  
流封州太平公主誅即日召復開元初進魏知古  
尚書左丞相未幾又貶恚憤卒謚曰文獻  
深州陸澤人方直有雅才擢進士第睿宗時累遷  
黃門侍郎諫造金仙玉真觀帝加其直以左散騎  
常侍同中書門下三品先天元年為侍中從獵渭  
州獻詩以諷明年封梁國公竇懷貞詭謀亂國知  
古密發其姦後改紫微令與姚元崇不協罷政事  
卒宋璟聞而歎曰叔向古遺直子產古遺愛兼之  
者其魏公乎贈幽崔渙璩子博綜經術長論議十  
州都督謚曰忠  
崔渙歲居父喪哀毀如成人起  
家亳州司功參軍累遷司門員外郎楊國忠惡不  
附已出為巴西太守明皇西狩迎謁於道帝見占  
奏以為明治體即日拜門下侍郎同平章事肅宗  
立為江淮宣諭選補使收采遺逸不以親故自嫌

代宗時遷御史大夫元戴輔政渙論其姦載惡之貶道州刺史卒謚曰元崔倫字叙安居

父喪徒跣護柩行千里道路為流涕及進士第歷吏部員外郎安祿山反陷賊不汙偽官寶應二年

以右庶子使吐蕃留二年執倫至涇州逼為書約城中降倫不從更囚邏婆城閱六年終不屈乃許

還代宗見之為感動嗚咽遷尚書左丞卒贈工部尚書謚曰敬張薦字孝舉驚孫敏銳有文詞

能為周官左氏春秋為顏真卿所賞大歷中充史館修撰真卿為李希烈所拘薦上疏請執希烈母

至境上以贖真卿盧杞持之不報朱泚反詭姓名伏匿京師平擢左拾遺詔復用杞為刺史薦論杞

奸惡不當用德宗納之貞元元年帝親郊時更兵亂禮物殘替用薦為太常博士參綴典儀畧如舊

章後擢諫議大夫裴延齡必欲斥之使使回鶻又使吐蕃薦占對詳辨三使絕域始兼御史中丞後

大夫次亦嶺及病卒  
贈禮部尚書諡曰憲  
崔良佐  
安平人居白鹿山門人諡曰貞文孝父所

著有三國春秋  
崔造  
字元宰安平人永泰中與韓會盧東美張正則三人友善皆自

謂王佐才時號四  
徵北州發所部兵二千以待命德宗嘉之貞元二  
年以給事中同中書門下平章事帝謂造敢言能

立事故以不次用之  
造以錢穀諸使因上自私請  
兩稅委本道觀蔡使悉停諸道水陸轉運度支巡

院兩淮轉運使以度支還尚書省宰相分領六曹  
韓滉持不可改帝以滉轉運江淮餘如造請

未幾罷為太子右庶子所請悉罷以憂卒  
崔衍  
字著倫子天寶末擢明經請富平尉繼母李不慈

衍事之益謹歷蘓號二州刺史遭宣歙池觀察使  
為百姓所懷幕府奏聘皆名士衍儉約畏法室無

妾媵祿稍周於親族葬埋嫁娶倚以濟者數十家

及卒不能歲喪表諸朝賜賻帛三百  
崔縱之貶縱

棄金部員外郎就養訖元載世不求聞達後為西

水陸運兩稅鹽鐵使德宗出奉天縱勸李懷光奔

命懷光次河中遷延不進縱以金帛先度曰濟者

即賜衆爭趨遂及奉天遷御史大夫處大體不急

細事歷太常卿封常山縣公卒謚曰忠孫碣字五

東標及進士第遷右拾遺擢河南尹政績著聞

代晉李自倫

涿州人為本州司功參軍自高祖訓  
迄自倫子光厚六世同居天福四年

戶部上其事下州按驗不妄勅以所居飛鳧  
鄉為孝義鄉匡聖里為仁和里旌表門閭

宋李

昉

字明遠饒陽人漢乾祐進士宋初累拜工部尚  
書太平興國中趙普宋琪居相位久求其能繼

之者宿舊無踰於昉遂命參知政事俄拜平章事  
端拱初邊警急詔羣臣各進策昉引漢唐故事以

屈已修好弭兵息民為言時論稱之淳化中以特  
進司空致仕卒謚文正昉和厚多恕不念舊惡素  
與盧多遜善多遜屢譖昉於上後太宗言及多遜  
事昉為解釋上由此益重之子宗納字大辯習典  
禮歷官比

**周仁美**

深州人開寶中累以軍功遷右  
部郎中

歲為寇仁美擊破之至道初復叛因誘縛酋長二  
十八人自是諸族惴畏嘗召見奏曰臣老於戎門

多戍外郡前後征行體被三十餘創今日得對萬  
乘倘或備員宿衛立殿庭下一日足矣留補馬步

軍副都

**王濟**

字巨川饒陽人父恕後唐時童子及  
第開寶中知秀州為盜所殺將並害

軍頭

濟濟伏屍號慟謂賊曰吾父已死吾安用生為賊  
義之捨去雍熙中補龍溪主簿及通判鎮州政績

大著拜監察御史所言皆切於時咸平初以刑綱  
尚繁請刪定制敕又著備邊策十五條以獻卒官

知洪州遺奏以進賢退佞罷土木不給之費為言  
濟頗頻經史好讀左氏春秋性剛直無所畏避少

時深州刺史念金鎖一見罷之  
金鎖歿後濟撫其孤援置祿仕  
李宗諤字昌武宗

能屬文恥以父任得官由鄉舉第進士累官起居  
舍人從幸大名上疏論邊事景德二年為翰林學

士將郊命判太常時樂工以年勞遷補至有不知  
聲者宗諤素曉音律遂加審定又者樂纂以獻官

至石諫議大夫宗諤究心典禮藏書萬卷內行淳  
至事繼母以孝聞二兄早世奉嫂字孤恩禮兼盡

與弟宗諒友愛尤篤勤接士類獎拔後進士人皆  
歸仰之工隸書有文集六十卷子昭述官至尚書

右李昭邁字逢吉宗諤從子幼時楊億嘗過其家  
丞李昭邁出拜億命為賦既成億嘉歎後薦授館

閣校勘復為鹽鐵判官初議罷天下職田及公使  
錢昭邁執以為不可累擢天章閣待制知鄭州卒



性和易不忤  
物能守家法  
**邢神留**  
陸澤人父起以殿死里胥罪  
當死神留年十六詣吏求代

特詔  
減死  
**明張鳳**  
字子儀安平人父益官給事中永樂  
八年從征漢北歿於陣鳳宣德初進

士授刑部主事  
年法司坐事盡繫獄  
擢鳳本部右侍郎改南京戶  
部上言留都重地宜歲儲二百萬石為根本計從

之遂為令尋命兼督糧儲  
廉謹善執法時號板張  
景泰中召為戶部尚書英宗復辟調南京戶部卒

鳳有孝行性淳樸故人死聘其女為子婦教其子  
而養其母終身同學友蘓洪好面斥  
**耿寬**  
饒陽人  
鳳及為鳳屬官猶然鳳待之如初

居成化  
**劉俊**  
字君佐深州人成化進士授青州推  
官每行部布衣匹馬不列騶從  
中旌表

明決強梗  
節愈勵終日閉門不通一謁  
獨好飲酒酒人至輒

明決強梗  
節愈勵終日閉門不通一謁  
獨好飲酒酒人至輒

開閣與飲然性介  
人不能有所干

本朝吳本植

字篤生安平人父恂明末官深州訓導城陷死節本植登順治戊戌進士選庶

吉士授編修兩為國子監司業訓諸生有法遷侍講歷侍讀學士以病歸本植剛毅有守為侍讀時有朱山人者以妖術惑眾勢甚張本植於眾坐叱之人或為之危未幾山人伏誅始服其先見為司業時有博士羊琦性慙直同官欲去之本植持不可後琦由吏部郎出為井陘僉事迂道過其居固求一見卒不許其耿介如此

杜盡誠

深州人性至孝家貧傭身養親有勸之娶者不從乃

先為弟娶婦又孝重六指兒姓劉氏八歲而孤十歲侍母病晝夜不離在右積兩年不少異母歿長號不止稍長語及王之俊

深州人父母歿虛於墓側前後十六年康熙間

旌表

流寓隋劉焯

字士元昌亭人少好學與河間劉炫結友聞武強文津橋劉智海家素多墳籍

焯與炫就之讀書經十載雖衣食不繼晏如也遂皆以儒學知名

列女漢劉氏

安平崔寔母有母儀淑淑德博覽書傳寔為五原太守時母嘗訓以臨民之政寔

之善績母有助焉

南北朝魏孫道溫妻趙氏

安平人萬俟醜奴之反圍

岐州久之無援趙乃謂城中婦女曰州城將陷義在同憂遂相率負土晝夜培城竟免賊難大統六

年賜夫岐州刺史贈趙安平縣君

唐崔元暉母盧氏

安平人嘗戒元暉曰比見

親表仕者務多財以奉親而親不究所從來必出於祿廩則善如其不善何異盜乎若今不能忠清

欽定四庫全書

欽定大清一統志

三十四

無以載天履地宜識吾意  
故元暉所守以清白名

李氏妻王氏

深州鹿城人歸李氏

數歲夫死無子養嫠婦重耕夜織能辦生事餘二十年姊乃亡葬送如禮鄉人服其義爭遣女妻往

師其訓明周傑妻崔氏

深州人傑官兵科給事中病卒崔奉骸骨歸葬奠畢告其

親族曰夫婦義當同穴今夫死無子吾無生理遂自經合葬馬洪武中詔旌表

李茂妻高

氏深州人適清河李茂茂充吉安衛總旗墮馬病卧氏奉湯藥不離左右茂死盡散家資為喪具

復買一棺置尸側至夜沐浴更衣自經死與茂合葬洪武中詔旌其門曰貞烈

傅形嘉妻

岳氏

深州人形嘉病革屬氏曰爾年少亟改適氏曰豈忍事他人寧俱死及形嘉卒氏憑尸號

哭遂自經洪武中旌表

李氏女

武強人年十七未嫁正德辛未為流賊所劫脅以刃堅拒

不從賊怒刃其腹支解而死同縣武氏女  
年十六亦為流賊所逼罵不已賊腰斬之  
翟得妻

張氏

安平人年二十一夫以國子生卒於京邸氏聞之自經死

符應科妻田氏

饒陽人娶居二十六年教子讀書為諸生崇禎戊寅遇難攜甥女同投井死同縣許聯昌妻石氏亂

兵入其家氏登樓自投下死

趙彥良妻王氏

饒陽人年二十二生子方周歲夫死

兄憐其少欲嫁之固拒而止勤事蠶績以奉舅姑苦節五十一年卒事聞詔旌其門

本朝張光紹妻魯氏

深州人夫亡守志明崇禎戊寅遭亂攜子女匿地窖中兵搜得

之厲聲以拒身被九創絕而復甦守節十餘年而死又劉奇妻尹氏夫死截髮毀容奉兩世孀姑撫

孤子成立李培陽妻高氏夫死姑將奪氏志以死自誓苦節終身

靳成名妻王氏

安平人年二十四撫孤守節屢經兵燹矢志不渝至九十餘歲卒又武強張師寅妻王氏妻章氏早寡同心守節王年至八十七歲章年至九十五歲深州孫守利妻王氏夫亡撫子及孫至九十三歲旌表  
**陳國增妻張氏** 深州人年二十二夫死即自經以殉又安平楊三友妻王

氏年十八喪夫寡單拜舅姑閉門自縊  
**張門四節婦** 安平人張國珍妻王氏子窪妻

陸氏孫魁吾妻宋氏曾孫鴻印妻李氏俱年少夫亡撫孤成立四世著節鄉里稱之  
**馮淳妻**

**齊氏** 深州人又馮喜公妻李氏亦深州人路武妻馬氏劉玉和妻呂氏楊資妻張氏皆武強人

金光斗女大姐饒陽人俱為強暴所逼不從遇害先後旌表  
**种寅妻郭氏** 深州人夫

殺姑老時鹽徒竊發以刃脅其姑氏涕泣求死以代賊感其孝義得免守志以終又本州葛麓妻劉

氏夫歿繼而救甦家人勸以姑老乃正孝養守志  
馮朋妻黃氏夫歿舅姑以家貧令其改適氏涕泣  
自誓母強之氏欲自盡乃止趙克復妻王氏妻劉  
氏孟成裔妻高氏馬之驪妻韓氏盧趙凡妻姚氏  
趙命祿妻杜氏郝鑑妻高氏李為英妻郭氏高俊  
繼妻劉氏林天梁妻杜氏孫立溫妻趙氏孔趙凡  
妻王氏張翔生妻馮氏楊名忠妻張氏趙漢妻白  
氏姜際奇妻王氏趙寬妻蔣氏高勉妻張氏賴應  
第妻國氏高金盛妻張氏王榮貴妻子邢廷薦  
妻徐氏李名福妻屈氏陳章妻王氏茹重德妻趙  
氏李時熙妻吳氏劉大有妻胡氏王奉義妻蔡氏  
劉仲妻王氏劉鑑妻張氏魏昌盛妻趙氏李廷果  
妻田氏馬光元妻劉氏高書香妻尹氏張士英妻  
孟氏趙克和妻葛氏魯子敬妻劉氏郝瀚妻張氏  
趙還宗妻張氏盧彤肅妻王氏張可仁妻劉氏李  
德隆妻蔡氏趙驊妻韓氏王光純妻武氏高四義

妻竇氏曹俊奇妻史氏史麟趾妻朱氏單士培妻  
劉氏張學文妻李氏薛廷樞妻張氏田自強妻趙  
氏馮珂妻鄭氏趙德焯妻張氏田綸妻王氏趙永  
寧妻彭氏滿國樞妻王氏乾隆二年間俱以節烈  
先後  
**張星法妻李氏**武強縣人時年十九星法以  
旌表  
其年幼無子臨終命正室遣

嫁之李誓死不從遂引刀毀容守志以終又同縣  
郭塘妻王氏郝鳳儀妻馬氏左澣妻高氏劉成美  
妻張氏郭夔妻杜氏郭濤妻楊氏張恒  
妻多氏並於乾隆二年後  
詔旌其節  
**王宏璋妻**

**趙氏**饒陽縣人青年矢志不踰閨閤終身無笑容  
又同縣王孝妻劉氏丁世爵妻楊氏孫震妻

冉氏羅尚信妻高氏符時妻袁氏許健淑妻劉氏李  
本榮妻王氏柳正茂妻楊氏翟德宏妻蔡氏段延  
年妻路氏王大成妻蔡氏劉之瑞妻王氏符昇堂  
妻王氏魏存忠妻翟氏崔文興妻王氏劉福隆妻



郭氏黃四端妻孔氏郭梓妻趙氏張世德妻  
李氏並以節著乾隆十二年以後請旌崔丙

陞妻馮氏

安平縣人夫亡無子誓以身殉姑以年老無依諭之遂留其身以盡孝養撫姪

承桃鞠育教誨備嘗艱苦冰操歷數十年又同縣李柏妻吳氏張偉妻穆氏郭鳴珩妻李氏劉現繼

妻趙氏李廷秀妻賈氏馬麟圖妻楊氏趙起祥繼妻門氏王之鈺妻張氏杜其煒妻劉氏張邦良妻

王氏張繼珍妻馬氏王鏗妻閔氏王純妻張氏高天義妻張氏魏官書妻李氏傅廣見妻紀氏安士

魁妻段氏趙履恒妻丁氏張世則妻崔氏張世臣妻韓氏安榮貴妻王氏劉秉桐妻張氏王金鐸妻

劉氏杜自得妻張氏路永貴妻馬氏李用宏妻翟氏張煜妻馬氏張媛妻陳氏李樹馨妻遲氏李

用泰妻郭氏孫友妻鄭氏任琨妻杜氏任琬妻杜氏劉輝祖妻陳氏劉時敏妻李氏王振鵬妻紀氏

王廷元妻盧氏乾隆元年以  
後均以節烈一體旌表

土產絹

唐書地理志  
深州土貢

石榴

太平寰宇記  
深州土產

桃


州志種類  
不一內有


佳品 按舊志有井泉石出塔  
下村今不出此石附注於此

欽定大清一統志卷三十三



定州圖









曲陽縣	深澤縣	新處縣
<p>前漢屬常山郡後漢屬中山國</p>	<p>前漢屬中山國後漢屬</p>	<p>後魏為安喜新處縣屬中山國</p>
<p>上陽縣</p>	<p>南深澤縣</p>	
<p>上陽縣</p>	<p>南深澤縣</p>	
<p>上陽縣</p>	<p>深澤縣</p>	
<p>上陽縣</p>	<p>齊省</p>	
<p>恒陽縣</p>	<p>開皇六年初屬定州</p>	<p>深澤縣</p>
<p>曲陽縣</p>	<p>復置屬博陵郡</p>	<p>深澤縣</p>
<p>曲陽縣</p>	<p>隋屬祁州</p>	<p>深澤縣</p>
<p>曲陽縣</p>	<p>熙寧六年省入數城</p>	<p>深澤縣</p>
<p>曲陽縣</p>	<p>元祐初復</p>	<p>深澤縣</p>
<p>曲陽縣</p>	<p>至元三年省入東廣</p>	<p>深澤縣</p>
<p>曲陽縣</p>	<p>縣明年復何屬祁州</p>	<p>深澤縣</p>
<p>曲陽縣</p>	<p>屬祁州</p>	<p>深澤縣</p>